


Morobeen
BISCUITS



Morobeen
BISCUITS

Wantok

Namba 648 — 20 Novemba 27 Novemba, 1986 Mosbi prais 25t
Arapela provins 30t



Gutbai

Sir lambakey

Paradise

Nambawan

nambawan bisket bilong yu.

"Novemba 17: de mi pret tru!"

JULIA DAIA BORE
i raitim

"MANDE moning, 17 Novemba, em i olsem ol arapela moningtaim. Mi lukim olsem em i narapela de bilong kirapim wok bilong wanpela wik. Na mi wanpela mama husat i gat wok olsem planti arapela wokmeri i helpim liklik skul pikinini bilong mi long dresap.

Mi go salim pikinini bilong mi long skul bas. Na mi redi long go long ples bilong wok. Mi no ting olsem bai gat sampela kain hevi i kamap long dispela de

Long kwata pas 7 klok moningtaim (7.15am), man bilong mi, Leo i no gat nupela resa bilong sev. Em i salim liklik pikinini man bilong mipela, Kevingu long ran i go long stua long Koki, Mosbi na baim nupela paket bilong resa. Kevingu i go na kam bek long tripela minit tasol.

Kevingu i tok olgeta stua i pas. Mi save

olsem papa bilong dispela stua i bilong Hailans. Na mi tok pilai olsem ating ol i sori long indai bilong Sir Iambakey, olsem na ol i pasim stua. Leo i harim dispela tok na i no bilip.

Faiv minit pas 8 klok (8.05am): Mipela i tulet pinis long taim bilong wok. Mi wokabaut i go i kam long veranda bilong haus. Long dispela taim mi harim ol meknais i kamap long bikrot, em Sir Hubet Mari Haiwe. Dispela bikrot i stap 200 mita longwe long haus bilong mipela.

I gat moa long 50 pipel i ran long Koki Maket eria i go antap long dispela haiwe. Wanpela man i stap klostu long mipela i go long stua na kam bek. Em i tokim mipela olsem ol dispela pipel i ranim spirit bilong Sir Iambakey long dispela eria i go long Palamen Haus long Waigani. Ol i bilip bai spirit bilong

em i mas stap long bodi na go antap long asples long Hailans.

Mi ting dispela i no stret. Long wanem planti pipel insait long grup i bihainim biklain i go antap long 2-Mail Hil i no luk olsem pipel bilong Hailans husat i bihainim pasin tumbuna bilong sori. Ol i lain yanpela man bilong nambis. Na mi no inap tok klia long asples bilong ol dispela yangpela man.


Long 8.15 am: Mi bai lukautim ka bilong mipela long dispela de. Mi mas lusim man bilong mi long ples bilong wok. Long wanem mi laik kisim ka na raun i go lukim bodi bilong Sir Iambakey insait long Palamen Haus. Tasol mi no gat sans tru long go. Bikos i gat planti trabel na birua i kamap long olgeta hap bilong Mosbi siti.

Long taim mi kisim ka i go daun long John Guise Draiv long

dropim man bilong mi long Waigani gavman opis, mipela i lukim moa long 1,000 pipel i pulap long tripela sait bilong wanwe rot. Sapos mipela i go kamap long gavman opis, em bai mi no gat we long tanim ka na kam bek. Na mi stiaim ka i go antap long arere bilong wanwe rot.

Man bilong mi i go ausait na wokabaut i go long opis bilong em. Mi tanim ka na i laik go bek. Mi lukim ka i gat liklik bensin tasol. Mi lukim namba tu lain grup bilong pipel i wokabaut i go klostu long mausrot i go long John Guise Draiv. Mi no wari moa long bensin bilong ka. Mi givim siksti long ka na kamap long ples bilong wok.

Mi harim stori bilong kain kain birua i kamap long arapela hap bilong Mosbi siti. Stori i kamap olsem ol man i brukim wanpela stua long Gordens na stilim samting. Mi ring i go long wanpela skul long Hohola. Na mi kisim nius olsem ol



• Ol raskal brukim dispela stua long Gordons, Mosbi na stilim planti samting tru.

pipel i go insait long eria bilong tripela komyniti skul na ranim ol studen nabaut.

Mi kisim telepon na ring i go long Ela Bis Skul. Pikinini bilong mi skul long dispela hap. Mi kisim bekim olsem ol i pasim daun skul. Na papamama i mas go kisim pikinini bilong ol i go bek long haus.

I gat narapela telepon i kam long wanpela wantok i wok long Beng bilong PNG opis long Mosbi taun eria. Dispela wantok i tok beng i pasim daun wok tu. Tasol ol wokmanmeri bilong beng i no

laik lusim opis. Ol i pret, nogut ol dispela pipel i kirapim wokabaut mas long strit bai go insait long beng na bagarapim ol. Olsem na ol i wet long ol dispela pipel i klia pastaim long bikrot.

Mi harim ol dispela stori na mi pret nogut tru. Mi tingting tumas long rot bilong go kisim pikinini bilong mi long Ela Bis. Laki tru na man bilong mi i kam kamap long opis bilong mi. Mitupela i kisim ka i go na kisim pikinini.

Mipela i lukim planti wokmanmeri i krungutim bikrot na go bek long haus. I no gat

meknais. Tasol i gat planti manmeri i wokabaut long bikrot tu. Long wanem i no gat PMV bas long kisim ol.

Olgeta petrol stesin na stua long Mosbi i bin pas long 11 klok moningtaim.

Long taim mipela i go kamap long haus, mipela i harim narapela stori long hausmeri. Em i tok sampela man i brukim Haus Bilas stua long Badili. Tasol plisman i kamap kwiktaim na stapim pipel long stilim ol samting. Tulet. Sampela manmeri i kisim wanwan samting bilong dispela stua pinis na ranawe.



• Olgeta bisnis i pas. Ol pipel i hangre i painim kain sevis olsem we hap dua bilong ol kaikai i pas na hap dua i op. Na han tasol i go i kam. Sapos bikpela dua i op, bai ol man nogut i painim na bagarapim tu dispela stua na raunim ol stoa kipa. Na stilim ol samting.

Dai bilong Okuk kamapim bikpela birua long PNG

GOROKA:

Bagarap kamap long Goroka. Moning taim yet long 8 klok ol pipel i kapsait i go long taun. Wanpela lain pipel i brukim ol bikpela stua bilong Collins na Leahy supa maket, Stim Sip supamak, BP supa maket, stua bilong Koltra, Kristen Buksop.

Ol i stilim samting olsem banis waiya bilong banisim pik, masin bilong samap, sutkes, kaikai, ol su, slipa nambaut ol i kisim putim stret dispela taim yet.

Ol i stilim ol redio kaset, wanpela lain pipel tasol i kamapim ol dispela trabel. Olgeta moa long 60 tausen pipel i wet i stap long ples balus.

Na bikpela lotu i kamap long Goroka Nesenel Pak long senta taun bilong Goroka yet. Long nait bodi bilong Sir Iambakey i stap long Goroka hospital, we ol plisman i gat long en. Tude yet (Trinde) bai ka i karim raun bodi long Goroka taun long ol pipel i lukim. Tude (Trinde, 19, Novemba) bodi bai i go long Mt. Hagen.

ENGA:

Enga Provinsal Gavman i tok olsem em bai bruk lusim Hailans Primias Kaunsil sapos ol i no bungim bodi bilong Sir Iambakey Okuk i go long Enga Provins.

Provinsal Ekseklyutive Kaunsil i tok tu olsem ol i no laik bai wanpela politikal lida ausait long kam insait long Enga Provins. Primias Ned Laina i tok dispela i soim ol i no amamas long ogenaisin komiti i no stretim toktok wantaim ol.

Mista Laina i salim toksave i go long Priam Minista na Maun Hagen Primias Mista Philip Kapal olsem em i laikim bai ol karim bodi bilong Sir Iambakey i kam long Wapenamanda ples balus long apinun na ol bikman i ken lukim em. Provinsal Ekseklyutiv Kaunsil i tokaut olsem tude, Trindi Novemb 19 i pablik holide long Enga Provins. Olgeta bisnis bai pas long soim rispek long Sir Iambakey Okuk.

LAE:

Long Lae 200 man, wanpela mangi i gat 9-pela krismas nau i stap long rumgat long plis stesen. Na ol pipel i wok long singaut long Primias mas yusim pawa bilong em larim ol pipel i go nating, nogat sas.

Ripot i tok, Primias i bin sindaun sori wantaim ol hailans pipel long ol setelmen bilong Lae. Na em i tokim ol pipel bai em i tokim Praim Minista Wingti long salim bodi tu i go long Lae ol i lukim.

Dispela i mekim tingting bilong ol pipel i kirap. Olgeta bisnis i pas. Nogat wok long Lae siti. Na moa long 30 tausen pipel i kapsait i go long ples balus stat long 8 klok moning yet i go inap 5 klok apinun.

WAU:

Moa long 600 pipel bilong Simt. na biknem Hailans long Wau, long M. robe i mekim save bagarapim 2-pela ka, wan, la ka na ol enjin na spia pat nambaut samting bilong wok mekenik long bikpela woksap bilong Kaindi Motos long asde moning (Tunde 18, Novemba).

Kensa kilim Okuk

PRAIM Minista Wingti i tok long Mande Novemba 17 olsem Sir Iambakey i bin sik longpela taim liklik inap em i dai long las wik Fraide.

Em i tok olsem Sir Iambakey i bin dai bihain long em i kisim wanpela sik ol kolim hepatoma. Ol planti man i save long dispela sik olsem kensa bilong lewa. Dispela sik i bin kilim.

Praim Minista i tok tenkyu tru long olgeta bikman na ol manmeri husat i kam lukim Sir Iambakey long Palamen Haus. Em i tok olsem Sir Iambakey i bin dai isi tasol long Mirigini Stet Haus long Pot Mosbi. Olsem tasol ol pipel

long Papua Niugini i mas soim rispek long dispela wik bilong sori.

Mista Wingti i tok strong i go long man bilong hailans olsem ol i mas stap isi maski long bagarapim ol samting nabaut. Em i mekim dispela toktok long wanem em i bin kisim sampela ripot olsem ol man i bagarapim ol haus, kar na ol samting bilong gavman na tu bilong ol arapela man nabaut.

Praim Minista Wingti i toktok strong long ol manmeri bilong hailans olsem ol i mas stap gut na noken mekim ol bikhet pasin nabaut. "Yupela i mas mekim ol samting we Sir Iambakey bai laikim na amamas long en."

SEVIM K4

NAU TASOL
K 11.95

BRITISH PAINTS GLOSS ENAMEL WHITE - 4 litre

HARIAP NOGUT STOK I PINIS

BRITISH PAINTS GENERAL PURPOSE UNDERCOAT-WHITE -4 LITRE

BURNS PHILP

Hardware Nationwide



Okuk i no lida bilong ol birua pipel

NAU long Trinde moning long 8 klok balus bai lusim Goroka wantaim bodi bilong Sir Iambakey Okuk i go long Hagen. Ol i bai karim bodi bilong em i go long Pop John Paul Oval we ol man i ken go na lukim na bihain mekim lotu long em.

Tasol planti ol pipel long Goroka, Lae, Wau, Mosbi na ating sampela hap moa tu i no amamas tru long planti samting i kamap long taim Okuk i dai.

Bilong wanem na stua bilong ol pipel bilong Okuk yet i painim birua.

Ating Okuk i no lida bilong olgeta pipel. Tru Okuk i no inap sanap makim ol birua pipel husat i bagarapim nating sindaun bilong ol pren, brata, na wantok bilong em sapos em i stap laip nau.

Planti manmeri i yusim dai bilong Okuk long pulamapim poket na bel bilong ol yet long samting ol i stilim long ol stua ol i brukim na go insait long em.

Long Fonde long moningtaim ol i bai karim bodi bilong Sir Iambakey i go long provins bilong em stret long Simbu. Ol bai kisim we ol bai plainim em.

Wantok i givim tok sori long lusim wnpela strongpela lida tru bilong ol pipel bilong Hailans na tu PNG.

Mipela laik bai bodi bilong Sir Iambakey Okuk i slip gut long hul na mipela i no bilip long bagarapim slip bilong em long pasin birua na trabel.

Yes, Okuk malolo wantaim bel isi.

PRET: Karina Okuk bai go gut long Simbu?

SINCLAIRE SOLOMON i raitim

Ol lain bilong Simbu i gat bikipela belhat long ol lain bilong meri bilong Sir Iambakey Okuk, Karina.

Olsem na asde ol i bin raun long Goroka taun na brukim nabaut glas bilong ol stua na opis.

Plis Komisina David Tasion i tok asde ol Simbu i tok ol lain Unggai-Bena i bin posinim Sir Iambakey na em i dai las Fraide long Mosbi.

Ol Simbu i tok i no tru olsem Sir Iambakey i bin sik na dai tasol em ol lain bilong Lady Karina i mekim posin long em, Mr Tasion i tok.

Na tu ol sampela bikman i pret olsem nogut Lady Karina i kisim birua long taim em i kisim bodi bilong man bilong em i go long

long Kundiawa taun long Fonde.

Tasol Mr Tasion i tok olsem em i no i gat trabel long Lady Karina taim em i go long Simbu. Em i tok olsem ol plis bai was gut long em na famili bilong em na tu ol narapela bikman na meri long Fonde.

Long las Fraide ol Simbu i bin kukim daun ol stua na kofi faktori bilong Sir Iambakey. Ol i tok olsem famili bilong em i no inap long lukautim ol dispela bisnis na ol i no laikim Lady Karina long kisim long ol.

Mr Tasion tokim ol niusman olsem i no gat bikipela trabel long Kundiawa asde na ol plis i stap redi tasol. Em i tok olsem em i salim sevenpela raiot skod i go long moning long flai i go antap.

Plis operesen bagarap tu

ROSA KOIAN i raitim

OL plis long ol Provins long Papua Niugini i sambai tasol long ol trabel i wok long kamap bihain long dai bilong Sir Iambakey Okuk long Fraide 14 Novemba.

Long Mosbi planti trabel na bagarap tru i bin kamap. Ol manmeri i brukim ol stua, opis, raunim ol skol pikinini na tu ol i kukim tripela ka bilong ol plis. Na 15 plisman i kisim bagarap na wanpela saiden i kisim bikipela bagarap long het taim bas em i draivim i paia. Olgeta dispela plisman stap nau long haus sik.

Plis Komisina, David Tasion i singautim tu ol Risev plis long Mosbi long helpim samting olsem 300 plisman long Mosbi yet. Sampela moa plis skwat i go pinis long Hailans long arere long planim Sir Iambakey.

Tasion i tok strong tu long ol stua na skol long pas. Em i go het yet na i askim ol military plis long Mosbi long sambai long wanem kain trabel bai i kamap.

Lae tu i bin i gat planti trabel long Mande na Tunde. Plis long Lae i tok ol bagarap long Tunde i moa nogut long Mande. Plis i sutim tupela man taim ol i wok long bagarapim na brukim ol stua, opis na ol narapela samting. Tupela man i stap nau long haus sik.

Ol plis long Lae i tok tu olsem ol toktok olsem ol man i traim long mekim pretim na bagarapim haus long Provinsal plis Komisina long Lae i no tru. Olgeta samting long Lae i stap nau long han long ol plis.

Goroka plis i tok ol manmeri ol samting. Tupela Riot Skwat i go pinis long Goroka. Tu hundred na siksti (260) plisman i go pinis long Goroka long wokim gaduana na lukautim wok.

I no gat planti nois tumas long Kundiawa tasol ol samting i no stap gut tumas. Wanpela Riot Skwat tim i go pinis long Kundiawa.

Ol plis long Rabaul i tok olsem ol Hailans i stap long hap i wokim tupela askim long gavman olsem 1) Ol i laikim bodi bilong Iambakey bai i go pastaim long Rabaul o no gat 2) bai gavman i chatarim ol balus long kisim ol Hailans pipel long Rabaul i go long Goroka. Tasol dispela nogat nau, gavman karim raun body Sir Iambakey long Des-7 balus. Balus em Sir Iambakey yet i bin mekim sot kat dil long em taim em i bin Minista bilong Transpot, 1980/81. Balus em yet i baim.

Bos dai — krai i bruk

JOE KOROMA i raitim

Long Fonde Novemba 13 mi na loman John Gawi go lukim Sir Iambakey Okuk. Mitupela i go kamap na lukim em i slip long plua i stap. Em i luk olsem wanpela man i nogat bun stret. Nau mi tingting. Man.. Dispela man i no luk olsem bos bilong mi bipo. Bos bilong mi em i wanpela strongpel man tru.

Em i bin slip gut long nait na tu em i go long smolhaus bihain long tupela dei. Meri bilong em Karina i tokim mipela olsem em i kaikai liklik nau. Lady Karina i tok em i kaikai melen na painap. Mi lukluk i stap na em i traim long kaikai hap painap. Tang bilong em i drai olgeta.

Em i tanim na slip long beksait bilong em. Em i pasim ai bilong em tasol ai i no pas olgeta. Pes bilong em i blak bikos em i no sevim mausgras bilong em inap long wanpela wik nau. Em i karamapim hap bodi bilong em long betsit.

Sir Iambakey i bin stap long Mirigini Haus inap long tupela wik taim em i bin kam bek long Sidni Haus sik.

Long hap pas eleven stret ol samting i no orait. Mi go lukim em long rum bilong em long hap pas ten (10.30). Rum i pulap pinis. Sir Iambakey bai klostu dai nau. Meri bilong em i sindaun arere long em na krai i stap. Mipela stap liklik nau pasta i kam na beten wantaim em na wasim em long santu wara.

Sir Iambakey i dai bihain tasol long 10.40 am. Nau planti samting i kamap long dispela taim. Olgeta man husat i stap klostu insait long rum i joinim Lady Karina na olgeta i krai. Papa bilong Sir Iambakey i singaut krai i kam na pasim maus na ai bilong pikinini bilong em. Yes Sir Iambakey i dai tru nau.

Mi lukluk long pes bilong em na mi tok dispela man i wanpela top man tru

long dispela kantri. Mi i no inap long bilip olsem dispela man husat i bilip i stap i wanpela mausman tru bilong kantri. Mi holim mama pinga long lek bilong em na mi krai wantaim olgeta memba bilong palamen husat i wok long kam insait long rum. Rum i pulap tru.

Ating Sir Iambakey i bin save olsem em bai dai olsem nau em i bin beten na senisim laip bilong em. Em i beten long ol pekato bilong em. Na em i bin amamas tasol long indai. Long kwata pas seven Spika Brown Sinamoi i askim ol long bilasim Sir Iambakey na kisim em i go ausait we olgeta man i ken lukim em. Mipela i rausim siot bilong em na putim nupela na rausim laplap bilong en na putim wanpela gutpela trausis long em.

Mipela i putim wanpela gavman nektai na ol memba i karim em i go ausait long rum bilong em.

WANTOK NIUSPEPA

Nius i kamap 52 taim long yia

Opis bilong Edita na edvetaising long PNG

P.O. Box 1982, Boroko
Telepon: Mosbi - 25 2500,
Teleks: NE 22213
Edvetaising - Telepon: 25 2500

PE BILONG WANPELA YIA, 52 NIUSPEPA

Ples	Air Surface
Port Moresby	K20 K20
PNG	K29 K29
Australia & Sol Islan	K60 K39
New Zeland & Pacific	K78 K46
America & Europe	K118 K60

Printed and published by Rowan Sidney Callick, of Purari Avenue, Gabutu, at Allotment 2, Section 209, Hohola.



Narakain wari tru!

LONG Mande, planti manmeri insait long kantri i sindaun tingting sori long indai bilong Sir Iambakey Okuk.

Long Mande (Novemba 17) 1 klok long apinun mi bin raun insait long Mosbi siti na lukluk long ol sampela samting i bin kamap insait long dispela de bilong sore.

Long Sir John Guise Draive, ol pipel i bin kukim wanpela bas bilong ol plis. Man, olgeta samting i paia na ol kapa bilong em i sindaun i stap.

Taim mi bihainim rot, tarangu olgeta han na lip bilong ol diwia i pinis. Namel tasol i stap. Dispela bai yu ting raun win i raun long dispela hap na katim o brukim ol dispela diwai.

Na taim mi go long palamen planti man i bung arere long bikpela haus tambaran bilong lukim bodi bilong Sir Iambakey.

Taim mi wokabaut klostu long ol manmeri, planti bilong ol i sori tasol planti moa i no luk olsem sori.

Ol mama husat i tuhat tru long karim ol pikinini bilong ol i no wari tumas. Maski taim bilong sori, ol i waswas long wanpela liklik raun wara long Palamen.

Wanpela liklik meri husat i waswas i dring wara na dai. Sampela tokwin arere long Palamen i tok, dispela liklik meri i bin kalap i go insait long wara. Na bihain em i no kam antap. Ol plis i go na helpim dispela liklik meri tasol em no inap.

Long 4-mail nogat wanpela samting i bin kamap. Olgeta samting i orait. Tasol, sori tumas olgeta liklik stua, pos opis, na tu ol taka bokis nabaut long rot i pas.

Bilong wanem? Sapos ol stua i no pas ol man nogut husat i giaman long sori long Okuk bai go insait na kisim ol samting long ol stua fri.

Mi go olsem long 7-mail, mi no lukim wanpela man long ples balus. Olgeta man i no stap.

Bikpela balus bilong Air Niugini kam na ol i tokim em na em i tanim i go bek long Australia. Bikos nogat man bilong rausim ol kago, na nogat man long tok welkam long ol pre bilong Australia.

Long 6-mail wanpela stua i bin bruk olgeta ol samting na tu ol man husat i wari long Okuk i bin brukim.

I gat samting olsem 10-pela plis i bin was long

dispela stua, "Jeneral Treding."

Wanpela plis i tokim mi olsem, ol i bin brukim dispela stua long 6 klok moning taim ol i laik go long palamen long lukim bodi bilong Okuk.

Bikpela sori moa i bin kamap taim planti samting tru i bagarap. Tasol, yumi skelim. Em pasin tru bilong sori o, yumi laik bagarapim ol samting. Taim bilong sori i min olsem yumi mas go sindaun isi na tingim husat i dai, ah?

Olgeta plawa, diwai, na tu gras i drai nating long palamen. Trangu hatwok bilong ol wokamni go lus nating.

Dispela em kain pasin bilong sori long Hailans. Na pasin bilong ol man bilong nambis i narakain tru. Bai yu no inap harim wanpela nois singaut samting i kamap.

Sapos wanpela bikman bilong Sepik, Rabaul, Buka i dai bai yu skelim kain ol pasin tumbuna bilong ol.

Mi yet i gat bikpela sori tru. Bikos mi ken tingim taim em i holim han bilong mi na givim mi gret 12 setifiket bilong mi taim mi gretued long Sen Fidelis Koles long Kap, Madang.

I gat bikpela sori tru i kamap long dispela de. Ating bihain, planti man inap tingim dispela gutpela taim na tu taim bilong Okuk i dai. Dispela de ating bai wanpela bikpela de long laip bilong em.

Long 4 klok long apinun, palamen i bin op na ol manmeri i go insait long lukim bodi bilong Sir Iambakey Okuk.

Man dispela ol ples i pas tru. No gat wanpela liklik spes i stap. Tarangu ol plis i bin askim ol mama husat i gat bebi long go pas tasol ol pipel i gridi tru na ol i no laik larim ol mama i go insait.

Mi sanap long lain inap long 15 minits. Bihain mi askim wanpela plis opis na em i helpim mi long wokim rot bilong mi long go insait long kisim piksa bilong bodi bilong Okuk.


Man samting olsem 20 soldia ami na tu ol plis i was long bodi bilong Sir Iambakey Okuk. I gat 4-pela i sanap long wan kona bilong bokis matmat wantaim gan.

Mi sanap na mi kisim ol piksa pinis orait mi wokabaut kam ausait long palamen. Mi sindaun kisim kol win na bihain mi kalap long ka na kam bek long opis bilong mi.

Poto na stori: HENRY MORABANG



• Manmeri na pikinin waswas na amamas arere long Palamen haus.



• Jackson ples balus i fri tru long pipel

MMMMMIGHTY GOOD FEASTS.



Barnes i wokim Nupela Tin Kaikai em bilong hatim tasol. I gat ol kaikai yu save laikim, olsem Braised Steak & Onions, na Casserole Meat & Gravy na Braised Beef Steak.

Hatim tasol na kaikai wantaim rais na kumu - gutpela kaikai tru i swit moa.

Kisim wanpela Nupela Tin Kaikai bilong Barnes tude! Em gutpela kaikai tru i stap long tin. Yu inap kisim long ol gutpela stua.



BARNES

Bilong wanem ol birua bagarapim stua na ol ka nabaut?

DEFENS Fos Meja, Dokta, Clement Malau, i wanpela long ol planti pipel i laik i go long Palamen Haus na soim las rispek bilong em long bodi bilong Sir Iambakey Okuk.

Bihain long em i mekim wod-raun (lukluk) long ol sikman long Taurama Difens Fos Helt Senta, em i tingting long i go long Palamen.

Na long 10 klok samting meri bilong em i wok long laibreri klostu long Palamen i ring long tokim em olsem ka bilong tupela i bagarap.

Dokta, i tok, "dispela i mekim mi senis olgeta. Mi nogat wanpela wari o sori liklik long skelim wantaim ol pipel na sori long wanem samting ol wari en (Sir Iambakey)."

Kos bilong olgeta bagarap i kamap long ka em i moa long K1,000 olgeta.

Long Mande moning, Misis Malau i karim ka i go long wok. Na larim i stap autsait long Nesenel Laibreri.

Em i tok, "Neks minit mi i go aut, sori tru glas long baksait, tupela fran windua i aut pinis. Oli mas brukim long ston o hap ain olsem na olgeta glas i bruk olgeta."

Mista Malau i tok, watpo ol pipel i laik bagarapim samting bilong ol narapela man, husat i no birua wantaim ol. Na tingting long mekim wok tasol.

Misis Malau i tok, long narapela ples provins pipel i ken wokabaut isi long stua o maket bikos ol samting i stap klostu. Tasol long Mosbi ka em i lek bilong pipel.

PAULINE LAKI i raitim



• Meja Clement Malau na meri bilong em Kathrine wantaim famili ka bilong ol. Em ol pipel i gat tingting bilong enimal i brukim baksait glas i aut olgeta.



• Plis was long wanpela stua em i bin bruk long 6-mail.

Kapenta tru bilong PNG

Pauline Laki i raitim

INSAIT long Palamen yet taim long Mande long spesel kibung ol memba i sindaun long en, bodi bilong Sir Iambakey i bin i stap namel long ol.

Na samting olsem 10-pela memba na Minista i mekim toktok long Sir Iambakey i bin wanem kain man bipo long em i bin india long las Fraide, 14, Novemba.

Na hia em sampela toktok bilong ol bikman.

PAIAS WINGTI:- Praim Minista. "Sir Iambakey i no save pret liklik. Na nogat wanpela samting i save pasim rot bilong em long wanem samting em i wokim.

Sir Iambakey, em i papa bilong mipela ol Hailans pipel na PNG tu. Man husat i bin i gat planti na bikpela tingting na aidia tru (visens) long wok bilong em."

MICHAEL SOMARE:- Lida bilong Opposisen. "Sir Iambakey Okuk, em i kamda (kapenta) tru bilong Papua Niugini. Mi bel sori tru long wanpela pren na brata nau i lusim mi."

SIR JULIUS CHAN:- Namba tu Praim Minista. Sir Julius i tok, "Sir Iambakey Okuk i wanpela man tru. Nogat man o samting i save pasim rot bilong em taim em i muv long wokim bikpela wok bilong kantri."

JOHN MOMIS:- Namba tu lida bilong Opposisen. Indai bilong Sir Iambakey i mekim

"Politiks bai i no inap wan kain moa olsem bipo insait long Palamen samba na ausait tu.

TED DIRO:- Minista bilong Forest. Taim Sir Iambakey i toktok na mekim wok bilong em, "em i olsem wanpela maunten paia stret (running volcano) Em i gat spesel stail long laip bilong em yet."

NAHAU ROONEY:- Minista bilong Sivil Eviesen, Kalsa na Turis. "Sir Iambakey i bin wanpela tru Nesenel Lida (nationalist). Bai i nogat narapela kain man stret olsem moa bihain."

JOHN NILKARE:- Memba bilong Simbu rijinal. "Ol pipel bilong Simbu bai i no inap lukim em moa nau." Mista Nilkare i no bin inap long gohet wantaim toktok bilong em. Bikos em i krai wantaim tu.

SIR BARRY HOLLOWAY: Memba bilong Isten Hailans rijinal. "Sir Iambakey Palma Okuk i save painim birua na hevi tasol em i no save lus olgeta long ol wok bilong em. Em i yusim laip bilong em na nau indai long ol pipel bilong PNG."


ALBERT TOBURUA: Hetman bilong Yunaitet Sios long PNG na Solomon Ailans. "Indai em i wanpela las birua tru bilong man long graun. Indai i save kam long eni-taim. Maski yu lapun, yangpela, risman, bikman o liklik man. Dispela birua ol kolim indai i ken kisim yu tasol."

MMMMMIGHTY GOOD BEEF.

James Barnes i bringim wanpela namba wan corned beef stret i kam long yu.

Ol tin mit bilong Barnes em i nupela, i swit moa na i nambawan tru long yu na famili bilong yu.

Yu ken baim long olgeta stua.



BARNES

Ret-graun pes stopim wok PMV

ROT bilong kisim PMV bas long Mosbi i go long wok long Mande, 17 Novemba, i hat tru. I gat sampela man bilong Hailans i sanap long Gordens bas stop na tambuim arapela manmeri long kalap long PMV bas.

Bihain long mi lusim haus long kwata pas 8 klok moningtaim (8.15am) i go daun long bas stop, mi harim tok lukaut. Ol meri bilong sampela wanwok i tok draipela pait i kamap long bas stop. Tasol mi ting ol i kusai. Na mi wokabaut i go long bas stop.

Bas stop i luk emti tru. Ol wokmanmeri i no pulap na wetim bas. Nogat tru. Mi lukim 6-pela man tasol i sanap was long bas stop. Tasol ol i penim bodi, pes, het na mausgras wantaim retpela graun malumu. Mi lukim dispela lain man na mi pret. Long wanem ol i bin

**BEN WAUNS
i raitim**

stapim tupela PMV bas na krosim draiva. Ol i tokim draiva long no ken kisim pasindia. Draiva bilong bas i harim tok tasol na tek-of wantaim bas.

Mi go kamap long bas stop na ol i kisim mi tu. Ol i tok, "Pren, yu laik go we nau?" Yu wanem kain man? Yu sori long bikman bilong yumi indai pinis o nogat?" Mi tok mi gat bikpela sori tu. Tasol mi mas go kamap long ples bilong wok pastaim. Na bihain mi ken kisim tok orait na go lukim seremoni bilong Sir Iambakey long Palamen Haus.

Ol i larim mi kalap long bas. Dispela bas i gat mak bilong graun retpela graun malumu. Mi save em i sain bilong soim sori.

Em pasin bilong pipel long ol Hailans provins.

I gat tripela arapela man i stap long dispela PMV bas tu. Draiva i spinim bas long kona bilong Woodcock Rot na Gotwit Rot. Na em i sut i go antap long Cameron Rot. Olaboi! Mi lukim planti man i sanap bung long bas stop i stap namel long Gordens Plis Barek na Mosbi Tisa In-Sevis Koles.

I gat 7-pela plisman i rausim pipel klostu long bas stop. Stop sampela yangpela man bilong Hailans gen i bikhet na kros wantaim ol bas draiva na pasindia tu. Ol i rausim sampela pasindia na tokim bas draiva long kisim bas na tek-of.

Mi lukim dispela asua na mi no guria. Long wanem i gat plisman i sambai. Tasol mi pret, bikos sampela bilong ol dispela Hailans man i



• Dispela em i hap, hap bilong plis ka long Mosbi, em ol pipel i bin kukim long paia, wanpela long ol trabel i kamap long Mande.

holim ston, hap ain na diwai. Nogut bai ol brukim glas bilong bas.

Draiva bilong bas i go holim brek klostu long bas stop. Wanpela Hailans man i go holim han bilong mi. Em i tok, "Pren, yu laik go we? Mi kusai gen. Mi tok, "Mi bai go long Ailanda Hotel bas stop na joinim pipel i go long Palamen Haus".

Draiva bilong dispela bas tu i bihainim maus bilong mi. Tenkyu tru. Mi amamas

long dispela draiva. Tasol tenkyu i go popaia. Long wanem i gat bikpela rot blok gen long Ailanda Hotel bas stop.

I gat narapela bikpela bung bilong pipel long hap. Ol i pusim draiva long tainim bas na go bek. Tasol mi grisim draiva long giaman liklik na draivim bas long Waigani

Draiv i go kamap long Spring Garden Rot na tanim bek. Tasol tulet. Wanpela draipela Hailans man i go holim han bilong mi na pulim mi i go daun. Mi sem tru. Bikos planti manmeri long bas stop i lap na tanim het.

Mi stat wokabaut long Ailanda Hotel bas stop na krungutim das i go long ples bilong

wok. Mi lukim planti manmeri abrusim mi na pulim lain i go long Waigani sait. Tasol i no gat planti praiveta ka na PMV i ron long bikrot.

I gat planti pliska i ron i go kam.

Mi go kamap long opis long 10 klok samting. Man! Tupela aua i lus nating.

Sarere Novemba 15 — em buai De bilong AUDREY KUGLAME

Planti manmeri long Gordons i wok tuhat tru long painim buai na daka long las Sarere. Mi yet tu mi laik baim buai na mi kam sanap stret long bet buai na mi laik kisim buai na nogat. Mi kirap nogut long ol manmeri i kam na pusim mi go na rausim dispela bet buai na kapsaitim buai nabaut.

Man.. Mi nogat toktok na mi sanp tasol na lukluk i stap. Ol dispela man na meri i rapim graun long skin bilong ol. Ol sampela meri i pasim purpur tasol. Ol i go insait long ples we ol manmeri i save salim buai na klos.

Mi lukim ol kapsaitim ol kabang, buai, daka na ol i karim ol klos bilong salim na tromoi i go. Na sampela man i wokabaut bihain tasol long ol na ol i bungim ol buai na daka na ol samting ol lain i tromoi nabaut.

Ol dispela lain i no go insait long nupela maket we ol i salim ol kaikai. Ol i bin traime tasol ol siti kaunsil husat i save stap long maket i strong na rausim ol i go ausait.

Ol narapela manmeri i sanap nabaut arere long maket long baim buai tasol ol man bilong salim buai i pret long salim buai bikos nogut ol dispela lain i kam bek na bagarapim maket gen. Ol tarangu meri husat i save salim ais blok i lusim moni tu

taim ol dispela lain i kapsaitim olgeta ais blok bilong ol.


Plis i bin kam long maket tasol ol i no bin

mekim wanpela samting. Ol i bin kamap bihain liklik long taim ol dispela lain i lusim maket pinis.



• Stua i pas long raskol pasin tasol. Ol hangre pipel baim kaikai long hul bilong waia banis.





**INDOSUEZ
NIUGINI BANK
LTD.**

**MAK BILONG INTERES LONG
INTEREST BEARING DEPOSIT
AKAUN IONG SEVINS ANINIT
LONG K50,000**

HAMAS TAIM MONI BILONG YU I KEN STAP WANTAIM BENK BIPO YU KISIM INTERES ANTAP LONG EN	MAK BILONG SEVINS NA INTERES	
	K1,000 IGO LONG K10,000	K10,000 IGO LONG K50,000
CALL (Toksava long kisim bek Moni namel long tupela ten four Aoa — 24 hours)		
WANPELA MUN		8.75%
TUPELA MUN		9.0%
TRIPELA MUN	8.5%	9.25%
SIKISPELA MUN	8.75%	9.5%
NAINPELA MUN	8.65%	9.35%
WANPELA YIA	8.5%	9.25%

**MAK BILONG INTERES LONG SEVINS ANTAP LONG K50,000
BAI BENK I TOKSAVE LONG YU TAIM YU OPIM AKAUN**

Phone:
Port Moresby : 213307/213533 Lae : 423955
Boroko : 259211 Goroka : 722055

Wabag plis sutim 7-pela man;

HENRY MORABANG i raitim

PLIS long Wabag i bin sutim 7-pela man. Na tu i kilim wanpela man long Fraide (Novemba 11).

Ol plis i go long traim mekim wok painimaut long wanpela pait i kamap long Kundis eria long Enga na ol dispela lain i laik pait wantaim ol na plis i sutim ol.

Ol dispela man ya em bilong Poreyalin wanpisin.

Ripot i kam long Wabag i tok, i gat 2-pela man moa i stap nau long haus sik tasol i luk olsem ol bai dai sapos ol i no givim

marasin kwik.

Dispela pait i bin kamap namel long tupela grup. Dispela tupela grup em Poreyalin na Piau long Kundis eria.

Ol man tu i bin sutim Provinsal Plis Komanda Sif Inspekta Simon Kaupa long spia. Ol i sutim em stret long mit bilong as bilong em.

Plis Komanda i stap nau long haus sik. Tasol wanpela ripot long 3 klok long Tunde avinun (18 Novemba) i tok ol i bin katim as bilong komanda na pulimaut hap spia i

stap insait long bodi bilong em.

Ripot i kam long Wabag i tok, samting olsem 15,000 man bilong Poreyalin na Piau i bin siap insait long dispela pait.

Planti kopi diwai i bin bagarap na yar diwai na tu moa long 450 haus na 30 tret stua i bin paia. Na tu 6-pela klasrum tu i bin paia.

I gat narapela pait tu i bin kamap long Mirelmando Somil insait long Wabag Distrik. Dispela pait i bin bruk namel long Aieo na Wayal wanpisin.

I gat 4-pela man i bin dai bihain long

dispela pait. Ripot i tok planti ol samting i bagarap. Planti man bai tingting, dispela pait bai stap olsem wanem?

Ripot ya i tok, nau ol pait i wok long go bagarap tru. No gat gutpela taim liklik i save kamap. Em i tok skul na et

pos long Kundis i pas pinis. Na tu pasta long dispela liklik stesis bilong Kundis i go pinis bikos i gat planti pait.

Wantok Nius i bin traim long toktok wantaim Provinsal Plis Komanda Simon Kaupa tasol i no nap long kisim em.

"Olgeta memba mas sapotim baset"

PRIMIA bilong Manus, Mista Stephen Pokawin i tok, olgeta memba bilong Palamen i mas sapotim dispela baset.

Bikpela as tingting tru long PNG em olsem, yumi noken tingting hamas mani mipela i save kisim long wanpela yia, tasol yumi laik save bai yumi mekim wanem long ol dispela mani, na tu yumi bai yusim ol dispela mani olsem wanem.

I gat 4-pela bikpela eria em yumi mas toktok;

a) Daunim namba bilong ol projek em i kamap long las yia, na noken raitim nating long buk bilong baset. Sapos yumi save olsem yumi no inap karim aut projek orait noken raitim daun.

b) Dispela mak bilong K650 milion long

mas kamap insait long PNG yet i soim olsem kantri i gat bilip long em yet. Mipela i mas traim long katim daun long kisim planti dinau long ovasis.

c) Tingting long katim daun loan i kam long ovasis em i gutpela tingting stret.

Baset bilong dispela yia i bihainim tru ol samting em gavman i tingting long wokim las yia. Na gavman i tingting prodaktiv eria. Na em gutpela stret long strongim baset bilong 1987.

Prodaktive eria em long wok ekonomik, na wok agrikalsa.

Mista Pokawin i tok, baset bilong 1987 i wanpela gutpela stret na dispela i soim ol PNG i strong pinis.

BIRUA na TRABEL: Pipel autim tingting

SORI, wari na krai bilong ol pipel long Mosbi i go long bodi bilong Sir Iambakey Okuk i bringim kamap birua, trabel na taim nogut tru gen long planti manmeri husat i go long givim las rispek bilong ol long Sir Iambakey.

Planti pipel i bel hat tru long ol dispela raskal pasin, taim sampela i tok ol pilim olsem dispela ol pipel i bagarapim na daunim nem bilong Okuk.



SAM NIALIR i wok long Waigani. Em i bilong Talwat viles long Is Nu Briten. Sam i tok, "Dispela raskal pasin ol pipel i wokim i nogut tru. Em i min olsem i no sori long bikman ya indai. Ol amamas raun tasol na bagarapim ol samting em ol i lukim nabaut long rot, ol stua, ol ka na bagarapim ples i nogut pasin tru.

HELEN SEPOE i wanpela seketeri long Mosbi. Na em i bilong Sentral Provins. Helen i tok, "Mi no inap long tok olsem ol Hailans pipel i kamapim olgeta bagarap. Ating ol raskal bilong Mosbi husat i save kamapim ol trabel tasol i painim isi long Mande long kamapim moa trabel. Em ol tasol...."



MARIA IGNATIUS i bilong Londel viles long Maramuni long Enga Provins. Maria i tok, "Mi yet i go long haus krai asde (Mande). Okuk em bikman tru bilong mipela long hailans. Nogat narapela man olsem em. Tasol ol plisman i stapim ol pipel i go long haus krai (Palamen). Na ol plisman yet i bagarapim ai na nus bilong ol hailans pipel wantaim ol smok pairap (tia gas) olsem na ol i bel hat na kukim long paia wanpela bas bilong ol plis. Em rong bilong ol plisman."

AMELIA AIWASI, i wanpela wokmeri long Waigani Printa. Na i kam long Suau Ailan long Milen Be. Amelia i tok, "Ating em kastam bilong ol Hailans pipel. Olsem ol save pait namel long ol yet na bagarapim gaden, kukim haus na kilim indai man nabaut. Tasol, mi no ting dispela kain bai inap kamap sapos pipel olsem Somare, Ted Diro o Pater Momis indai.

Quintrex

BREAKTHROUGH

- bilong liklik wok bot



Ol 6-pela dram i stap insait long bot i pulap tru long wara.

Dispela em sampela smatpela samting bilong Slogger 4.5 Quintrex:

- Strong na bai stap longpela taim (olsem ol aluminium tip trak.)
- Gutpela bet bilong sanap na wok
- Karim planti kago
- Gutpela long wok long riva na long basis
- Dispela bot i no isi long kapsait maski sapos planti wara i go insait long en
- Smat moa long draiva i stia o larim wara i karim i go daun
- I gat fowat stia konsol
- 6-pela mun warranty
- I gat ples bilong putim pis o ol arapela kago

- Ol samting i stap pinis long bot: ● Ples bilong putim bensin na bateri ● 4 Bollards/lifting points ● Said dek ● Plua em yu inap long rausim.
- Ples bilong pasim rop na pulim bot ● Longpela sit bilong baksait ● Ol fom bilong sindaun ● Ples bilong putim ol samting long fran.

STP7404

Steamships - MACHINERY Port Moresby 259066 ● Madang 823021
Rabaul 921061 ● Lae 424799

Betde



Belated birthday greetings to:

WILLIAM VETUNA WARIAMBU

who turned 1 year on Friday 14-11-86. Special greetings especially from David and Sammy & your bubus at Gerehu, NCD.

Happy 4th Birthday to:

KEPAS WATANGIA (JNR)

Congratulations Kepas, you're turning 4 years old on Saturday, 22-11-86. B/day wishes from mum & dad Mrs & Mrs Kepas Watangia, sisters Aileen, Fredah, Pauline & aunty Nerissa at Maigana St., Gerehu Stage 1. Greetings also from Sharon Kuki & uncle Michael at Rabaul, ENBP. Happy Birthday!!!

TOK SAVE

Tok save i go long ol lain bilong Fred i stap long Hagen, WHP olsem yupela mas i stap gut na no ken tingting long mi stap longwe long yupela. Lukim yupela long taim bilong krismas.

— Freddy Waria



Memori

Mi laik salim bikipela tok sori i go long papa bilong mi Snr Henry A Morabang na mama bilong mi Scholastica Kiring. Papa bilong mi i bin dai long Novemba 22, 1978 na mama long Novemba 23, 1977. Mi wantaim ol narapela brata Vincent Ururu na ol arapela susa i lusim yutupela stret. Mipela i save gat bikipela wari taim mipela i painim ol hevi. Tasol mipela i no wari tumas bikos mipela i save yupela i stap wantaim God. Mipela i pre yet bai God tu i ken was gut long yutupela na mipela wantaim. — Henry Morabang (Jnr)

KRISMAS GRITING

Krismas griting i go long

GULU BADA

na mi tok no ken dring planti na stap isi long taim bilong krismas na Nu Yia. Toksave i kam long liklik brata Leigaru.

KRISMAS GRITING

I go long VALI-LALAI mi susa bilong yu LISANIA i tok maski long fiksik kar tumas. nogut spana i brukim kela bilong... MERI KRISMAS na HEPI NIU YIA.

Krismas griting bilong

GRACEY J WILLIE

i go long lan Vali, Sevia Vali, Vali Gulu, Simon Gulu, Aipelis Martin T, Irene Martin T, Jnr Martin T olgeta i stap long Tokarara, Salote Strit. Hepi krismas na Nu Yia i kam long Gracey wanpis meri... Gordons.

Bikipela krismas griting i go long pikinini bilong mi

SHARON KUKI

nau i stap long Rabaul, ENBP. X-mas grittings tu i go long Malcolm Timi & famili, Nelson Giraure na famili olgeta i stap long Tokarara, Kepas Watangia & famili, Semmy Beaga olgeta i stap long Gerehu, Allan Tolire & famili, Wesley Niut & famili olgeta i stap long McGregor Plis Bareks, Moitaka, Roselyn Vuna & famili ol i stap long Tara Ples, Boroko, Dorcas Puipui & Magdaline Vuamur tupela i stap tu long Mosbi. X-mas griting long yupela olgeta long — Nerissa M. Kuki, NCD.

NOTIS



Steamships Machinery Divison i laik tok save long ol pablik olsem telepon namba bilong dispela tupela hap i senis nau.

Rabaul Branch Madang Branch
Telepon 92 1061 Telepon 82 3021

**SPES
EM L.
FRI!**

Salim

**HOLIDAY SPECIAL
30 copies of New Nation!!**




Factory Door Delivered

K5

Air Mail Delivered

K10

**NB Schools
Libraries
Youth Groups**



NOTIS

WORD PRINTING

* OL WEB NA SHEET OFFSET PRINTA *
EM I GAT OLGETA KAIN WOK SEVIS LONG WOK DISAIN I GO INAP LONG WOK BILONG SALIMAUT OL SAMTING

- * BISNIS KAT
- * WANTAIM OL KOMPLIMEN TOKTOK
- * OL LETAHET
- * OL INVOIS BUK NA OLGETA KAIN LIKLIK BUK I NO GAT KABON PEPA LONG EN
- * OL INVAITESEN KAT
- * OL PROGRAM PEPA NA OL TIKET
- * OL GRITING KAT
- * OL SKIN PAS
- * OL PEPA FOLDA
- * OL POSTA
- * OL LIKLIK BUK (PAMPHLETS)
- * OL BUK
- * OL NIUSPEPA — WANTAIM OL FUL KALA NA SPOT KALA PIKSA
- * OL SPESEL NIUSPEPA PES NA SAPLAMEN
- * OL KALENDA
- * OL ANUAL RIPOT
- * OL SKUL PIKSA BUK NA EKSASAIS BUK

- * MIPELA I GAT SAVE NA OLGETA SAMTING INAP LONG MEKIM OL FUL KALA TOP KWALITI WOK WANTAIM NAMBAWAN KALA PRES MASIN LONG PNG — BIKPELA SMS BILONG PEPA, DISPELA PRES INAP PRINIM KAMAP EM 650x910 MILIMITA.
- * MIPELA I GAT SPESEL OFA NA PRAIS LONG MEKIM OL TOKSAVE PEPA BILONG ILEKSEN NA WOK KEMPEN
- * I GAT SEVIS BILONG TANIM OL TOKTOK LONG TOK PISIN
- * MIPELA I KEN TOK KLIA LONG PRAIS BILONG OL DISPELA SAMTING FRI NA KWIKTAIM TRU

WORD PRINTING PTY LTD
SPRING GARDEN ROAD
PO BOX 1982 BOROKO N.C.D.


PH: 25 2500
TELEX: NE22213
WANTOK

SALIM OL

**KRISMAS GRITING
NIU YIA GRITING
BETDE GRITING
PABLIK NOTIS
TOK AMAMAS
TOK SORI**

**I kam long
Wantok Niuspepa
na bai mipela
printim**

FRI TASOL!



• Paias Wingti

□ "SAPOS heven igat demokratik sistem bilong gavman, Papua Niugini i no inap tingting nogut olsem em i lusim Sir Iambakey olgeta. Long wanem Sir Iambakey bai go het long sindaun gut insait long dispela nupela gavman."

Dispela hap tok piksa i kamap long Siaman bilong Melanesian Alaiens Pati, Mista Bernard Narokobi. Em i stap long Vanimo na mekim kamap dispela toktok long dispela wik Mande, 17 Novemba. Em i salim hap tok sori bilong em i go tu long Lady Karina na ol pikinini bilong Sir Iambakey.

Mista Narokobi i tok Sir Iambakey i wanpela bikpela lida tru. Em (Sir Iambakey) i mekim kamap ol kain wok God i laikim em i mekim — em long mekim Papua Niugini i kamap gutpela, strongpela kantri.

Em i tok Sir Iambakey i mekim wok bilong en gut tru wantaim hatpela stail bilong wok politik. Na



• Sir Julius Chan

dispela indai bilong em bai givim bikpela sori na belpen long pipel bilong Papua Niugini husat i mangalim dispela hatpela lidasip stail bilong em.

Em i tok Sir Iambakey i givim han long olgeta eria bilong wok developmen bilong PNG. Na em i larim mak na gutpela nem bilong em long olgeta ples em i bin soim pes long en.

Mista Narokobi i tok em yet i gat bikpela sori tru long dispela lus bilong Sir Iambakey.

Em i tok Sir Iambakey i bin tanim bel na givim laip bilong em long God pastaim long em indai. Sapos dispela rot i soim gutpela sain long en i kamap klinpela man, em Sir Iambakey i stap nau long Heven. Na em i gutpela long em ikisim dispela malolo bihain long olgeta hatwok bilong em.

Mista Narokobi i sanap makim lain ofisal na sapota bilong Melanesian Alaiens Pati na autim bel sori i go long meri bilong Sir Iambakey, em Lady

"Mi tok Sori Okuk"



• Bernard Narokobi

Karina na ol pikinini bilong tupela. Em i salim tok bilong belsori i go tu long pipel bilong Simbu Provins na olgeta pipel bilong hailans husat i stap wantaim sori long indai bilong Sir Iambakey.

Bernard Narokobi

□ "Mi sori tru long indai bilong Sir Iambakey Okuk. Mi tok bikpela sori tu i go long "Lady" Karina, ol pikinin bilong em, ol famili na pren bilong em.

"Sir Iambakey i wanpela strongpela lida tru. Em i save sanap makim maus tru bilong ol pipel bilong



• Fr John Momis

em. Mipela olgeta pipel long dispela kantri i tok sori tru."

Fr. John Momis, Deputi Lida bilong Oposisen.

□ "OL pipel na gavman bilong Manus i tok sori tru i go long Lady Karina na ol lain famili bilong Sir Iambakey.

"Planti manmeri bilong Manus i no lukim yu yet tasol mipela olgeta i save long nem bilong yu." Sir Iambakey i wanpela strongpela lida tru. Mipela ol pipel bilong Manus i no inap lus tingting long em.

Stephen Pokawin,



• Steven Pokawin

Primia bilong Manus.

□ SIR Julius Chan na Lady Stella i givim bikpela tok sori tru i go long Lady Karina na ol pikinini bilong em.

"Man bilong yu na papa bilong ol pikinini bilong yu i wanpela lida tru bilong Papua Niugini stret. Mipela olgeta i tok sori tru long indai bilong em."

Sir Julius Chan, Deputi Praim Minista.

□ "MI sori tru olsem Sir Iambakey i lusim yumi. Em i wanpela pren na brata tru bilong mi. Mi laik



• Tony Siaguru


tokim Lady Karina na ol pikinini bilong em olsem olgeta manmeri long Papua Niugini i tok sori tru long indai bilong papa bilong ol na lida bilong yumi olgeta."

Mista Paias Wingti, Praim Minista.

□ LIDA bilong Lig bilong Nesenel Advansmen na memba bilong Mosbi Not-Is Mista Tony Siaguru i tok em i sori tru long indai bilong Sir Iambakey. Em i tok sori tru i go long Lady Karina na ol pikinini bilong em. Sir Iambakey i wanpela strongpela man tru. Em i no save pret long wanpela samting. Em i wanpela strongpela lida tru.

Mista Tony Siaguru. Lida bilong Lig bilong Nesenel Advansmen.

□ SIAMAN Mista Zibang Nruenuoc, Nesenel Eksekyutiv, Palamen Lida Sir Julius Chan, olgeta memba bilong Pipel's Progres Pati na olgeta




• Albert Kipalan

pipel bilong Papua Niugini i givim bikpela tok sori tru i go long Lady Karina na ol lain pikinini bilong em long indai bilong Sir Iambakey. "Wanpela bikman i nau lusim yumi. Sir Iambakey i wanpela man bilong helpim ol pipel stret. Em i wanpela lida bilong Papua Niugini."

Zibang Nruenuoc, Siaman bilong Pipel's Progres Pati.

□ MINISTA bilong Administretiv Sevis na memba bilong Wabag Mista Albert Kipalan i tok sori tru long indai bilong Sir Iambakey Okuk. Mista Kipalan i tok Sir Iambakey i wanpela bikman tru na lida tru we meri na pikinini bilong em i ken amamas long en. Sir Iambakey i wanpela olpela memba bilong palamen tu. Em i sevim gut tru kantri na pipel bilong em.

Mista Albert Kipalan, Administretiv Sevis.



Em i gutpela pasin long lukautim gut yu yet.

Maski yu pilai o wok, ol meri bilong tudei i ken stap isi na nogat hevi. Johnson & Johnson i gat ol gutpela samting. Em yu ken putim, o yusim olgeta dei na nogat wari long em.



FRI BUKLET - "THE NEW YOU"

"Em Nupela Yu" i ken bekim olgeta askim blong yu long ol senis i save kamap long yu olsem yu kamap wanpela meri nau. Johnson & Johnson bai i salim yu wanpela fri kopi sopus yu pilim dispela kopu na salim i go long P.O. Box 633, Lae.

Naem:


Adres:

Krismas: Marit/Singel:


Hamas Man/Meri i stap long house:

Johnson & Johnson


Not
1...




Not
2...



Not even 3...



BUT 4 In a packet



Double decker
SNACK PAK
BISCUITS



- Coconut Snack Pak
- Orange Snack Pak
- Chocolate Snack Pak
- Lemon Snack Pak

Morobeen
BISCUITS

Talair stilman long Kiunga i no win

**IAN KAKARERE
i raitim**

OL pasindia bilong Talair balus long Kiunga, Westen Provins bai bungim bikpela hevi nau.

Ol stilman i tambuim rot bilong ol long kisim balus na lusim Kiunga.

Ol stilman i brukim opis bilong Talair opis

na traim opim bikpela ain bokis bilong lokim mani na arapela pepa wantaim tiket bilong balus. Dispela asua i kamap long Sarere apinun, Novemba 15.

Ol dispela stilman i ranawe long taim ol i harim brens menesa, Mista Glen Halligan i go kamap long opis. Ol i lusim ol tuls bilong brukim haus na ain

bokis i stap. Na Mista Halligan i painimaut olsem ol stilman i no ranawe wantaim samting bilong opis.

Mista Halligan i tok ol dispela stilman i bagarapim lok bilong ain bokis. Long dispela as, bai ol i no inap long opim bokis nau. Em i bikpela asua gen. Long wanem bai Talair opis i no inap givimaut tiket

long ol pasindia.

Dispela Talair opis em i wanpela ples tasol i sevim ol pasindia bilong balus long Kiunga. Ol pasindia husat i laik kisim balus namel long dispela wik i mas wet yet. Ol i mas wet i go inap long taim ol wokman bilong Talair balus kampani i opim dispela ain bokis na kisim ol mani na balus tiket.

Sandaun kisim ileksen "fiva"

MOA long 40 kendidet long Wes Sepik Provins i tok klia long salensim 5-pela siting memba bilong nesenel palamen insait long nesenel ileksen.

I gat 8-pela kendidet i laik salensim Rijonal memba, Mista Karl Stack. Palamen memba bilong Vanimo-Grin Riva, Mista Micah Wes i gat 12-pela kendidet i laik sanap egensim em. Na i gat 11-pela man i sanap egensim memba bilong Aitape-Lumi, Mista Gabriel Ramoi.

Siting memba bilong Nuku Open ilektoret, Mista Christopher Sambre i gat 9-pela salensa. Na i gat 6-pela salensa i laik sanap egenism memba bilong Telefomin, Mista Felix Tapineng.

Ol dispela nupela kendidet i kirapim ileksen kempen pinis insait long wan wan eria bilong Wes Sepik Provins. Na i gat tokwin olsem bai namba bilong ol dispela nupela kendidet long wan wan eria i surik i go antap moa long wik bihain.

I gat tok klia i kamap olsem 7-pela siting memba bilong Sandaun Provinsal gavman bai risain na resis long nesenel ileksen. Namel long dispela 7-pela provinsal asembli memba i gat tupela man i laik sanap egensim Mista Stack long Wes Sepik Rijonal sit. Tasol Wantok ripota long Vanimo i no inap kisim gut tok klia long nem bilong dispela tupela provinsal memba long dispela wik.

Ol dispela nupela kendidet i no tok klia yet long ol politikal pati i sapatim ol. Planti man namel long ol bai sanap independen i go inap long taim ol i kisim tiket o sapat bilong sampela politikal pati.

Skul fi go daun long WNBP

OL papamama long Wes Nu Briten Provins i ken amamas tru long wanem ol i no inap baim bikpela skul fi tumas olsem bipo.

Ol haikul studen bai baim husat i save slip long skul bai baim K200 na ol de studen bai i baim K90 tasol.

Provinsal Edukesen Minista, Mista Samson Patiliu i tok olsem provinsal gavman bilong Wes Nu Briten i bin apim pe bilong helpim ol skul manki olsem na skul fi i go daun.

Edukesen Dipatmen bai givim K45,000 long baim skul fi bilong ol boda studen na K12,300 long baim hap skul fi bilong ol de studen.

Mista Patiliu i bin tok tu olsem skul fi bilong ol komyuniti skul bai i go daun tu. Bipo ol i save baim skul fi namel long K8 na K20 tasol nau ol papamama bai baim skul fi long K5 i go inap long K20.

Mista Patiliu i tok gavman bilong em i tingting long bringim prais bilong skul fi i go daun bikos ol pe bilong ol kes krop i no gutpela tumas.

Em i tok tu olsem skul fi i ken go antap gen sapos ol prais bilong ol kes krop i orait gen neks yia.

CALLING ALL BANDS

**Mipela salim ol
samting bilong
musik...**

Emplifaia
Spika
Dram
Gita
Trombone
Flut
Mout ogan
Konsetina
Piano akordian
Let bilong gita
String bilong gita
Skin bilong dram
Ol song buk na kod buk

**Bateri
Emplifaia
bilong gita
Led na bas**

**K140.00
tasol post
nating**

**Mekim pairap bilong
gita nating olsem
pawa gita wantaim
gita pick-up K25.00**

ROOK'S RADIO

P O Box 191

Lae, PNG

Telepon 42 4616

No moa stua laisens - Madang

MADANG Taun Interim Komisin laisens komiti bai i no inap givim aut nupela bilong tretstua long ol pipel. Taim laisens i paia em bai pinis.

Siaman bilong Madang Taun Interim Komisin, Sop Bunbun i tokim *Wantok Nius* olsem, planti ol papa bilong ol stua i no bin baim graun long wokim ol dispela stua o klab.

Em i tok inap Jun 1987, ol dispela man i laik kisim nupela laisens bai i no inap.

Sapos wanem man i laik kisim nupela laisens i mas soim olsem em i papa bilong graun we bisnis bilong em i sanap.

Em i tok sapos man i rentim graun o sindaun long dispela graun long liklik taim tasol bai i no inap kisim tok orait. Na narapela bikpela samting tu em long sapos yu wanem man i sindaun long graun bilong gavman na laik wokim bisnis ating bai dispela i no gat. Bikos dispela em graun bilong gavman.

Siaman Bunbun i tok, sapos em graun yu winim long gavman em yu kisim laisens long wokim bisnis antap long em.

Em i tok ol man husat i gat bisnis long graun bilong gavman i mas tingting gut na stretim

bisnis bilong ol kwik. Na noken i stap las minit na guria nabaut.

Mista Bunbun tu i mekim wanpela strongpela tok lukaut tu olsem, sapos wanem man i brukim dispela lo bai go sanap long ai bilong kot. Na kot bai stretim.

Em i tok em putim kamap dispela lo bikos planti komplek i bin kamap long ol papa bilong ol stua long graun bilong gavman.

Em i tok, Madang Taun Interim Komisin i no stapim ol wok bisnis. Tasol, em i wokim dispela long stretim planti wari na tu komplek i kam long ol pipel.

Em tu i tok, dispela em tu i olsem wanpela toksave long ol papa bilong ol bisnis insait long Madang Taun ol papa bilong ol bisnis insait long Madang Taun na tu man husat i sindaun arere long taun long graun bilong gavman.

Vogae no amamas long basetmani

PRIMIA bilong Wes Nu Briten, Mista Bernard Vogae i sori tru long 90,000 pipel long provins bilong em nau. Long wanem em i tok dispela K3.8 milion basetmani em Wingti-Chan gavman i brukim i go long eria bilong em i no inap helpim ol rural pipel long neks yia.

Mista Vogae i tok em i wari na sori tru long 97 pesen bilong pipel bilong em husat i stap long ol rural eria na ailan bilong Wes Nu Briten Provins. Em i bilip ol dispela pipel i no inap kisim helpim long dispela "liklik basetmani" gavman i tilim i go long provins i yusim long neks yia. Na em i tok nesanel gavman i asua tru long tanim bek na daunim poin bilong Wes Nu Briten Provins. Long wanem dispela provins i save pulim bikpela profitmani moa long wok bisnis bilong en long helpim PNG.

Em i tok provinsal gavman bilong em bai yusim moa long K2 milion insait long dispela K3.8 milion basetmani long kirapim ol developmen projek bilong asples.

Bikpela hap bilong dispela mani bai sapatim ol wok sevis i save kamap aninit long ol nesanel gavman projek nabaut. Sapos gavman i ting Wes Nu Briten Provins bai yusim dispela kain mani long helpim planti pipel long rural eria na ol ailan em i bilip, gavman i kusai tasol ya.

Em i tok gavman i givim moa long K3 milion bilong helpim mani long provins bilong em long dispela yia. Long dispela basetmani bilong neks yia, gavman i katim daun moa long K1 milion gen.

WHO projek strong long Kiunga Viles

I gat wanpela grup bilong medikal saveman i kirapim, bikpela helt projek insait long Westen Provins nau. Ol dispela saveman i laik painimaut long rot bilong givim marasin bilong stapim sik long olgeta pikinini insait long Westen Provins.

Dispela wok painimaut i stap aninit long "Expanded Programme of Immunization" (EPI) bilong Wol Helt Oganaisesen. Dispela bikpela oganaisesen bilong Yunaitet Nesanel i sapatim dispela projek wantaim bikpela astingting long givim imunaisesen marasin long olgeta pikinini insait long wol long yia 1990.

Daunbilo em tripela memba bilong dispela helt grup i kamap long Kiunga:—

1. Dokta Philip Kame, Spesialis Medikal Opisa wantaim Komunikebal Disis Divisen long PNG Dipatmen bilong Helt;
2. Dokta Tom Kirch bilong Wol Helt Oganaisesen hetkota long Jeneva, Swisalan; na
3. Misis T. Yitbarek husat i Resident Program Opisa bilong UNICEF long PNG.

Dispela tripela opisa wantaim ol helpim manmeri i lukluk raun long hospital, helt senta na ol epos insait long Kiunga na arapela taun long Westen Provins. Na ol i kisim tok klia long rot bilong skruim dispela imunaisesen program long olgeta hap bilong provins. Ol bilong dispela bikpela helt program.

Dokta Kame i tok dispela program bai bungim bikpela hevi bilong wok transport na rot bilong lukautim marasin long givim long ol pikinini. Ol i mas putim ol dispela marasin long gutpela kolples na karim i go i kam. Sapos i gat rong long kolples bilong putim ol marasin, bai pawa bilong marasin i daun tru. Na em i no gutpela tingting long dispela kain marasin i no gat pawa long ol pikinini.

Em i tok wok bilong go i kam insait long Westen Provins i hat tru. Long wanem ol pipel i stap nabaut long wan wan grup insait long bikpela hap eria. Na dispela "Expanded Immunization Programme bilong givim marasin long olgeta pikinini insait long provins i gat draipela hatwok bilong en.

Dokta Kirch i tok sampela opisa bilong dispela program i mekim lukluk raun tu long Enga, Wes Sepik na olgeta ailan provins bilong PNG. Dispela 4-pela grup bai bung long neks wik. Na ol bai givim ripot bilong wok painimaut bilong ol i go long PNG Dipatman bilong Helt.

I gat tupela arapela oganaisesen i givim han tu long dispela program. Dispela tupela grup, em Save The Children Fund na Rotary International. Ol i givim helpim mani na ol opisa long mekim kamap dispela program bilong painimaut na givim marasin long pikinini.

NUPELA Johnson's BABY COLOGNE

Mekim bebi bilong yu bai pil gut ...na smel gut.

Bihain yu wasim ol bebi o pikinini yusim dispela tripela naispela fragrances Regular Cologne. Floral na Fresh Blossoms.

Istap tasol long PORT MORESBY na LAE Kemis.



Gutpela bilong pikinini, Johnson & Johnson gutpela bilong yu.

Ol "handicap" spin wan de long Vanapa

HENRY MORABANG
i raitim

"MAN, ai bilong mi i op stret taim mi lukim ol sumatin bilong Mosbi Spesel Edukesen Senta i toktok long han tasol."

Taim ol i laik toktok long narapela poroman bilong ol, ol i save yusim kain ol sain em ol i mekim long pinga bilong ol.

Long Fonde (Oktoba 13) mi bin bihainim 6-pela sumatin bilong Spesel Edukesen Senta wantaim tupela tisa bilong ol Jenny Rae Sasah na Charles i go long wanpela liklik spin bilong ol.

Pasifik Expedition i bin lukautim dispela liklik spin bilong ol dispela handicap (tarangu) sumatin. Man i lukautim dispela wokabaut bilong ol handicap em Mista Grant Trewenack.

Mista Trewenack i tok, planti taim ol pipel i tok ol dispela kain mangi i no gutpela long lukautim. Na ol i no save tingting tumas long ol.

Tasol, dispela em i kranki tingting stret ol i pikinini bilong man. Na ol i gat rait tu long mekim wanem samting ol i mekim.

Mista Trewenack i tok, em i namba wan taim Pasifik Expedition i kisim ol dispela kain ol handicap pikinini i goaut. Na tu em i namba wan taim tru long dispela ol sumatin bilong spesel skul i lusim Mosbi na goaut long bus.

Dispela liklik spin bilong ol i stat long Kerea Viles na bihainim wara Vanapa i kamdaun long Hiritano Haiwe.

Taim mipela i ran yet long wanpela gumi bot, Mista Trewenack tu i bin givim skul ol handicap sumatin. Em i lainim ol long pul na tokim ol wanem samting olgeta mas mekim sapos bot i kapsait.

Dispela spin i ran long tupela hap. Insait long namba wan hap mipela i bihainim wara tasol inap 2-pela awa. I bin gat bikpela pilai tu i bin kamap namel long ol sumatin yet bihain long belo kaikai.

Bihain mipela i kalap long bot gen na bihainim wara i kamdaun inap mipela i kamap long Vanapa bris long Hiritano Haiwe. Tisa husat i go pas long lukautim ol dispela sumatin i tok ol sumatin i amamas tru long dispela liklik spin bilong ol.

Mis Sasah i tok em tu i amamas long dispela liklik spin na em i tok tenkyu tru long Pasifik Expedition.

Mista Trewenack i tok Pasifik Expedition i tingting yet long mekim narapela raun gen bilong ol dispela sumatin.

Poto: HENRY MORABANG na ROSA KOHIAN



• Mista Grant Trewenack bilong Pasifik Expedition i stretim gumi bot. Long baksait yu ken lukim ol ol handicap sumatin i redi tasol.



• Nelson Tom (handicap) i soim stail bilong em long pul. Na long baksait yu Mista Grant Trewenack na tisa Jenny Rae Sasah i sindaun gut long gumi bot.



• Long dispela poto yu ken lukim taim ol sumatin i soim stail bilong ol long pul.

Man bilong ol pipel

Laip stori bilong Sir Iambakey Okuk Namba wan hap

OL dispela meknais bilong belsori long dispela wik i soimaut tru olem biknem bilong Sir Iambakey Okuk bai stap strong oltaim namel long arapela biknem pipel bilong Papua Niugini.

Planti pipel long PNG i luksave long Okuk. Ol i lukim em i hatpela man bilong to pait na sanap strong. Tasol em i gat kain stail i apim nem bilong em moa yet i winim arapela lida. Em i gat stail bilong kirap kwiktaim na pusim arapela pipel long mekim samting aninit long laik bilong em.

Em i tru. I gat stail bilong wok gavman aninit long Melanesia pasin bilong kibung na kisim tok orait bilong olgeta pipel. Tasol Papua Niugini bai tingim Sir Iambakey long narapela samting.

Pipel bai sori long em i kamap lida bilong pipel tru aninit long pasin tumbuna. Em isave toktok strong na mekim kamap sampela senis kwiktaim tru. Na em i amamas long lukim arapela pipel i bihainim maus na pawa bilong em na senis.

Sutim bel

Planti pipel i kirap nogut long taim Sir Iambakey i no kisim sapot bilong asples pipel bilong em yet. Dispela biknem bilong em i no sutim bel bilong pipel insait long elektoret bilong em. Na em i lus tripela taim long nesanel ileksen long Simbu rijonal sit.

Long namba wan taim em i kisim 22 pesen bilong vot long rijonal sit. Long namba tu taim em i kisim 27 pesen bilong vot. Na bihain em i win long Unggai-Bena sit long bai-ileksen. Tasol i no gat strongpela resis bilong salensim em. Na wanpela sapota husat i kendidet i step daun na larim Sir Iambakey i win isi tru.

Sir Iambakey i no daunim het na sem long taim em i soim pes gen long nesanel palamen. Nogat. Nem na stail bilong em i mekim em i kamap top lida bilong fomim na brukim gavman insait long wok politik bilong las yia na dispela yia (1985-86).

Em i gat dispela kain stail long mekim pipel i lukluk long em i lida na papa bilong ol. Planti pipel i kisim bikpela tok pret long em bipo tu i tanim bek na sapotim em. Bikos ol i mangalim wok na ol toktok bilong em.

Long yia, 1970 i kam inap nau, Sir Iambakey i narakain man i gat wanpela narakain stail bilong em yet. I nogat arapela lida long PNG i bihainim dispela kain stail bilong em. Yumi no inap klia long as blong dispela samting. Ating bai sampela man i ken tokaut long as bilong dispela samting long bihaintaim.

Profesa JIM GRIFFIN bilong UPNG i raitim.

Em bai hat tru long narapela man i kopi-ket long stail bilong Sir Iambakey Okuk. Long wanem kirap bilong em insait long wok politik i gat bikpela stori bilong em yet.

Em i wanpela yangpela man husat i trai hat long sanap makim biknem bilong Hailans pipel. Em i belhat long lukim Hailans pipel i stap aninit long nem na strong bilong ol nambis pipel namel long yia 1960 i kam inap long taim bilong em. Na em yet i gat bilip long em yet i ken sanap na tanim tebol na senisim dispela rot. Dispela samting i mekim em i kamap yangpela lida bilong tok pait na sanap strong.

Yangpela man

Ating planti manmeri long PNG i lusim tingting pinis long namba wan kirap bilong Iambakey Palma Okuk long wok politik. Dispela kirap bilong em i stat long Westen Hailans na Enga. Long dispela taim bipo, Westen Hailans na Enga i stap wanpela provins tasol. Dispela kirap bilong em i no stat long Simbu.


Mama i karim Iambakey long yia, 1943. Papa tru bilong em, Palma, indai long taim em liklik manki. Na brata bilong papa bilong em, Korporal Okuk i lukautim Iambakey. Korporal Okuk em i wanpela plisman bipo. Na em i aninit long Palma, husat i lida bilong Kamanegu hauslain long Pari Viles klostu long Kundiawa, Simbu Provins.

Iambakey i skul long Maun Hagen pastaim. Na bihain em i go skul long Goroka. Long yia, 1965, em i skul long Fom 3 insait long Sogeri Haiskul klostu long Mosbi.

Bihain long em i lusim haikul, em i kisim aprentis trening wantaim Komonwelt Dipatmen bilong Woks (Komwoks) long Mosbi. Em i trening na i go kamap namba wan gavman mekanik bilong PNG stret long Wabag. Na em i kamap wanpela smarpela soka pilaia tu long taim em i stap long Wabag.

Long yia, 1968, i gat ileksen bilong ol kendidet long kamap memba bilong Namba Tu Haus ov Asembli, long PNG. Dispela ileksen i givim namba wan sans long Iambakey i sanap resis. Tasol i gat toktok i sanap olem dispela rijonal sit bilong Westen Hailans i bilong waitman tasol. Iambakey i sakim dispela toktok na em i sanap resis.

Long dispela taim bipo i gat ol kiap na bosman bilong plantesin i go pas long wok



Man husat i gat planti tingting long bisnis, politik na pipel. Em i traim wanpela nupela motobaik.

etministresen. Em ol waitman tasol. Na planti lokal politisen i bihainim tingting long sanap egensim rot bilong PNG i kisim independens kwiktaim.

Ol lokal lida bilong Hailans i bilip pipel long eria bilong ol i mas kisim sampela taim moa long ketsap long edukesen wantaim lain kostal pipel. Em bai olgeta pipel i ken kisim wankain save long liklik taim bihain na lukautim nupela kantri. Planti pipel bilong asples i bihainim dispela maus.

Ol waitman husat i bosim bisnis i save tok olem Australia gavman bai katim wok helpim bilong em i kam long PNG bihain long PNG i kisim independens.

Iambakey i no bilip long dispela tingting bilong pipel. Em i tok sapos elektoret bilong em i laikim Yunaitet Nesen i bilip olem pipel i laik skruim de bilong selp-gavman i go yet, orait, ol i mas makim wanpela PNG memba stet. Long wanem em (Iambakey) i save yet olem Yunaitet Nesen i no inap bihp long toktok bilong wanpela waitman!

Em Iambakey ya! Em i autim dispela tok na i lap wantaim. Long dispela taim bipo i kam inap long yia bilong Independens, i gat sampela rot na toktok bilong Iambakey i bihaintaim astingting bilong Pangu Pati. Tasol em bai no inap win, sapos em i tokaut long dispela samting. Planti pipel i luksave long Iambakey olem man bilong egensim waitman na lida bilong egensim gavman.

Yes sir

Wanpela anaansa bilong redio bipo i tok, dispela hap tok YES SIR (yes!) i no stap long toktok bilong Iambakey. Tru tumas, Iambakey yet bin kros wantaim ol kiap long dispela hap tok. Bikos em i egensim dispela ha tok, YES MASTA! Ol i pret na i tok Okuk i wanpela man nogut long pait egensim kiap na ol waitman nabaut.

Long taim Iambakey i sanap resis long ileksen, i gat wanpela asua i rongim em. Ol i prinim PANGU antap long piksa bilong em na ol bikpela posta tu. Tasol, long namba wan taim stret long Hailans i gat dispela tok, RACIST i sanap antap long piksa bilong ol waitman. Ol sapota bilong Iambakey i raitim dispela hap tok long egensim ol waitman. Iambakey i no inap tru long daunim kain rot

bilong kempen em ol waitman bilong bipo i mekim kamap long ileksen taim long yia, 1968. Tasol em i gat bikpela namba bilong pipel i sapotim em. Na em i gat bikpela sans moa i winim arapela PNG kendidet.

Em i winim namba bilong vot long arapela kendidet long Wabag. Wankain samting i kamap long Wahgi tu. Korporal Okuk i bin lusim Wagaba na go wok long Wahgi long dispela taim.

Long yia, 1970, Mista Eric Pyne i risain long Simbu Rijonal sit. Dispela i givim sans long Iambakey i kamapim biknem bilong em insait long asples distrik bilong em, Kundiawa. Long wanem em i sans bilong mekim wok redi bilong 1972 nesanel ileksen. Na tu, em i stap longwe long asples inap 20 yia na asples pipel i kolim em "man bilong Hagen".

Long dispela taim i gat sampela "go-slo" politisen bilong PNG i bungim ol yet insait long grup ol i kolim Yunaitet Pati. Wanpela lapun misineri bilong Katolik Sios, Pater John Nilles i sanap makim tingting bilong Yunaitet Pati. Dispela misineri i wok longpela taim tru long Kundiawa distrik na i bilip em bai winim Iambakey isi tru.

Sapotim Okuk

Planti pipel i bilip long astingting bilong Iambakey na sapotim em. Em i tokaut strong long Simbu pipel long no ken bilip tumas long toktok na aidia bilong waitman insait long gavman long dispela taim. Em i tok lokal pipel yet i mas putim han insait long wok bisnis bilong baim kopi na bosim arapela wokman tu.

Em i tok, wanpela Simbu man yet i mas sanap makim Simbu pipel! Em i tok dispela aidia bilong Australia gavman i tekewe sapot bilong em bihain long selp-gavman i mauswara tasol. Long wanem em i tok pipel bilong Papua Niugini inap sanap strong long tupela lek pinis!

I gat 38 pesen bilong pipel long Simbu i vot insait long bai-ileksen. Iambakey i kamap namba tu long dispela taim. Tasol ol i kaunim ol vot gen na painimaut olem Iambakey i gat 17 pesen bilong ol gutpela vot long balot bokis.

Dispela liklik popaia i pusim Iambakey long go het moa long wok politik long arapela yia bihain.



1982: May em taim bilong las Nesanel ileksen. "Lady Karina Okuk, sapotim Sir Iambakey long winim vot bilong em.

Insait long ilektoret bilong Iambakey, ol pipel i pulim daun nupela Nesenel Plak bilong PNG a brukim i go hap hap. Dispela trabel i kamap long Nesenel De long yia, 1971.

Iambakey i sutim wanpela bikpela tok olsem Yunaitet Pati i wanpela politikal pati bilong "ol masta". Em yet i tok pilai olsem, em i no laik kamap waitman. na em i kamap bikpela tok salens long ol pipel olsem. "Yupela i bilip long blakskin bilong yupela yet o olsem wanem?"

Em i no laik bagarapim ol sans bilong em long kism independens. Em i tok em i samting bilong ausait na i no bilong wanpela memba bilong Haus ov Asembl.

"Selp gavman na independens i olsem klok. Sapos yu hariapim bia yu bagarapim klok tasol yu no inap long stapim." Na tiam ol man i tok olsem Iambakey i laikim independens na selp gavman kwik em i tok, "Giaman, em i no tru mi wanpela man nating tasol. Mi no Pangu o United."

Independens

Ol i sakim Okuk wanem pati bai em i joinim taim ol i votim em na em i tok, "Nogat tru mi no inap long joinim Pangu. Nogut bai ol Simbu i kilim mi." Tasol em i tok olsem em i laikim pati bilong Thomas Kavali. Em i Nesenel Pati. Okei em i joinim dispela pati, Nesenel Pati.

Em i bin tokaut strong long ol waitman bikos ol i save kikim as bilong ol boi tasol na kism planti mani moa. Em i tok em i no wanpela bikhet man husat laik rausim waitman tasol em i laik rausim ol stilman.

"Mi ken mekim nabaut long ol stilman. Ol bikhet man i no helpim PNG. Mi tok em ples bilong mi. Mi ken tokhat long ol."

Ol i tok olsem sampela taim em i holim poto bilong em na em i save tok, "man.. i no luk olsem mi. Ating wanpela United Pati man i mekim." Na tu em i save toktok long em yet olsem, "Mi no inap kamap olsem wanpela waitman. Mi no inap kism planti mani, o traim long kism biknem. Mi bai wok long ol pipel. Mi no inap slip long wanpela bikpela haus o i gat ka. Mi bai stap tasol long haus kunai. Mi wanpela Niugini man, mi no masta."

Iambakey i winim Simbu sit long 1972. Bihain em i joinim Nesenel Pati na em i sanap kolisen wantaim Somare. Em i kamap minsita bilong Transpot na Sivil Aviesen.

Transpot Minista

Taim em i stap minista bilong Transpot bikpela toktok i bin kamap taim em i laik biam ol mercedes-Benz kar. Prais bilong ol inap long wan handet an eiti tausen kina (180,000). Em i soim tru wanem kain laip bia gavman i laik bihainim.

Iambakey na Kavali i bin go pas long wanpela pait egensim ol man bilong narapela kantri husat i kism sitisen long PNG tasol long dispela taim Momis na Kaputin bin kalabusim em long kona taim ol i askim pablik long givim tingting bilong ol, sapos ol ausait lida, ausait bisnisman, ol ausait politisen na saveman bilong gavman i no mekim gut wok long helpim PNG.

Taim Somare i senisim gavman bilong em long Desemba 1975 Okuk i no laik bai em i kamap minista bilong Edukesen. Em laik stap yet olsem Transpot Minista. Okei long Januəri 1976 ol i rausim em.

Taim Somare i mekim olsem long em, em i kros tru na lukim dispela olsem wanpela pasin nogut tru long Hailans pipel na tu pati bilong em.

Nau em hat stret long putim Pangu i go daun. Em i tokaut strong long ol man bilong Goroka olsem Nesenel Pati em i pati bilong ol Hailans stret. Long 1977 em i wanpela memba stret bilong nesenel pati.

Joinim oposisen

Em nau em i joinim Oposisen wantiam Matthias Toliman na Tei Abel. Tupela man i no bin laik mekim ol bikpela wok politik tumas bikos tupela i ting nogut bai tupela i bagarapim pati bilong tupela tasol Okuk i no gat wari liklik.

Long ileksen gen long 1977 Okuk i winim gen sit bilong em na em i kam bek gen long Palamen. Em i kempen stret long ol lain bilong em stret. Em i mekim olsem wanpela lida tru bilong ples. Em i rausim ol olupela lo na mekim nupela. Em i save tru long kism ol man long votim em.

Ol i tok olsem Okuk i wanpela strongpela het man tru na man tru bilong toktok long ai bilong ol man tasol long em yet, em i wanpela man bilong amamas. Em i save pilai stret long ol sampela wari bilong Simbu na tu em i kism planti vot long taim ol prais bilong kopi i go

antap. Em i kism planti sapat long ol samting gavman i bin mekim long ol pipel.

Taim United Pati i bagarap long 1977 Okuk nau i kamapim wanpela strongpela grup em ol i kolim long Pipels United Fran long mun Me 1978. Em i kamap lida bilong nambawan praim minsita bilong Hailans.

Hangre long pawa

Em yet i tok, "Sapos yu no hangre long Pawa ating yu mas wok long ol misin na ritim baibel long olgeta de."

Okuk i bin sanap strong long daunim Gavman bilong Somare na tu bungim olgeta memba bilong oposisen. Em tu i bin traim long mekim ol gavman i bruk lusim gavman. Long dispela wok em i kism ol save man tru i kam long wok wantaim em long dispela samting. Em i laik go egens long gavman, na em i laik daunim gavman.

Long dispela taim toktok bilong Lidasip Kod i givim Okuk gutpela sans. Okuk em i wanpela man tru bilong bisnis. Em save tok olsem ol pipel i mas ronim bisnis bilong ol yet. Em yet i gat investmen long wanpela kopi fektori na ol ril estet bisnis. Em i no laik bai gavman i putim bikpela tok lukaut tumas long ol politisen. Em i tok long kastam bilong ol Hailans ol lida i mas i gat planti samting stret. Olsem bisnis na ol samting olsem.

Papa

Nau wanpela bikpela samting tru i kamap. Ol man i no moa sapatim Mista Somare, "papa tru bilong kantri" na long Mas 11 1980 Okuk i movim vot ov no konfidens long Praim Minista Somare.



□ Olsem olgeta papa na hetman bilong Famili, Sir Iambakey i gat taim bilong bung na amamas wantaim famili bilong em.

Tasol Okuk i bin traim tripela taim pinis long rausim Somare olsem na nau em yet i nominetim Sir Julius Chan long sanapim makim olsem neks Praim Minista. Tasol taim ol i bin ol man long kism ol potfolio ol i no bin givim Okuk wanpela bikpela wok.

Nau tru sapos yumi lukluk bek bai planti manmeri i askim tru long wanem as na Okuk i ting Somare i no inap long Gavman long Mas 11, 1980.

Okuk i tok olsem Somare i bin kism planti mani bilong gavman long baim ol sapota bilong em, tu i no bin gat gutpela tingting na toktok namel long ol ministri, gavman i no moa tingim husat tasol gavman i tingim em yet tasol, ol pablik sevan i no moa wok gut olsem bipo, ol planti man i no bin gat wok na bikpela samting tru em ol man bilong ples gavman i bin lusim tingting tru long ol.

Okuk i tok olsem em bai bringim gutpela kristen lidasip, wok bung wantaim name long ol pablik sevans, em bai stretim dispela lo na oda trabel, mekim ol pipel bilong olgeta hap long kantri long wok bung wantaim na em i laik givim moa pawa long ol minista bilong palamen long ol provinsal memba.

Ron gut

Gavman bilong Okuk long dispela taim i bin ron gut tasol wanpela samting em i bin gat sampela tok kros namel long Okuk na Fr. Momis. Okuk i bin Minista bilong Transpot na

Sivil Eviesen na Fr. Momis i bin Desentrelaisesen.

Wanpela bikpela samting tru Okuk i bin mekim em i bin baim tripela Des 7 balus long Kanada. Em i no toksave long Fainens o Air Niugini. Em i no toksave long Kabinet tu. Em i tok olsem PNG bai ino inap westim wanpela liklik toea tasol kos bilong ol kamap olsem K27 milion kina.

Em, i tok. "Lusim tingting long ol dispela bladi rot nabaut. Mi kamapim dispela gutpela tok orait pinis. Na ol dispela rot i nogat as bilong en nau."

Gavman long dispela taim i rausim plen bilong kamapim lo bilong bosim ol gavman lida. I gat narapela tok pilai i kamap long Ombudsman Komisnin tu. Ol i bilip em i gutpela long senisim nem bilong viles Ekonomik Developmen".

Gavman i givim sektoral fan mani bilong wok transpot, agrikalsa na helt i go long han bilong ol nesenel memba. Ol i no salim mani i go stret long wan wan provinsal gavman. dispela pasin i yusim nesenel Fiskal Komisnin long daunim poin long dispela kain sistem long mun Februari, 1972.

Planti yia

Pater Momis i tok gavman i wok planti yia long stretim plen bilong lukautim wok mani na bisnis bilong em. Tasol ol gavman minista yet i wok long rongim plen. Na em i sutim tok long Deputi Praim Minista (Okuk) i tekova long pablik mani bilong helpim pipel na kamapim pasin bilong paulim dispela mani.

Dispela toktok i stapim Okuk. Ol pipel i lukim Okuk i holim pawa bilong gavman. Em i namba tu Praim Minista, tasol i luk olsem em i



ileksen na go bek long Nesenel Palamen long mun Me, las yia.

Las sans

Pastaim long dispela taim, em i gat wanpela las sans long kamap Praim Minista bilong PNG. Long Novemba, 1984, Pater Momis i makim em long kamap Praim Minista, sapos ol i muvim vot i no gat bilip na rausim Sir Julius. Tasol ol i no go het wantaim dispela rot, bikos ol i no gat inap sapat.

Liklik taim bihain narapela politisen husat i resis strong wantaim Okuk long kamap Namba Wan Hailans Praim Minista i kism opis — em Paias Wingti. Las sans bilong Okuk i popaia. Tasol em i no givap yet.


Long Februari, las yia, i gat narapela samting i soimaut bikpela driman bilong Okuk long kamap namba wan lida bilong kantri. Okuk i redi long brukim ol rul enitaim. Em i hat tasol na raitim pas i go long Somare.

Em i tokim Somare olsem Paias Wingti bai bagrapim wok ranim bilong gavman. Na em i askim long tupela i mas bungim sait bilong Nesenel Pati na Pangu. Nesenel Pati i stap yet long Oposisen long dispela taim.

Somare i bihainim namba wan plen. Em i askim Iektoral Komisina i givimaut ol votpepa bilong Unggai-Bena bai-ileksen kwiktiam. Sapos Komisina i no bihainim tok, gavman bai rausim em. Somare i save pinis olsem Okuk bai redi long winim dispela bai-ileksen isi tru na soim pes insait long palamen kibung long mas.

Okuk i givim bipela tok lukaut long Somare. Em i tok: "Yupela tasol wantaim Komisina i mas toktok long dispela plen. Na yu mas tok lukaut long Komisina i no ken go het na autim toktok long pablik.

"Sapos Komisina i go het na tokaut long dispela tok, yu (Somare) i ken tok yu no bin stap insait long dispela bung wantaim Komisina. Na yu gat pawa long rausim Komisina sapos em i autim dispela tok hait long ol niusman."



□ Em i gat planti nupela tingting long wok politik, na em i no save surlik long husat saveman.

Dispela rot bilong tok hait i wankain long stail bilong olupela Presiden bilong Amerika, Mista Richard Nixon. Tasol Okuk i gat narapela stail bilong daunim dispela sem bilong em. Bihain long taim dispela tok hait bilong em i kamap long nius em i mekim tok pilai long en.

Em i tok, "Mi pilim olsem pinis. Ol pipel i laik raitim pas long Praim Minista Somare i mas lukaut. Ating mi mas tok klia olsem no ken raitim pas. Bikos dispela pas bai kamap long nius olsem raunwin".

Long taim Okuk i kamap gen long Palamen long Me, Nesenel Pati i bung pinis wantaim

sait bilong Somare. Ol i pasim tok long bung wantaim na "strongim gutpela wok pren na smatpela go het bilong kantri."

Somare i no bihainim promis na givim dispela wok ministri em Okuk i gat laik long en. Oraiti, Okuk i tanim bek na saptim mosen bilong Sir Julius Chan long autim Somare gavman. Na Okuk i bihainim tingting long makim Wingti i kamap nupela Praim Minista.

Tasol long dispela nait pastaim long vot i no gat bilip, Okuk i bungim Sir Julius long Shangai Gardens Haus Kaikai. Em i baim wanpela plet kaikai bilong Sir Julius. Na em i promis long makim Sir Julius i kamap nupela

Praim Minista, sapos Sir Julius i yesa long givim Fainans Ministri long em (Okuk).

Sori tumas wok jas bilong Okuk i popaia gen. Dispela tok promis bilong em wantaim Sir Julius i no kamap. Em i sindaun wantaim belhevi long taim em i lukim narapela yangpela politisen i kamap Namba wan Hailans Praim Minista.

Planti pipel long PNG i kirap nogut long dispela indai bilong Sir lambakey Okuk. Long wanem em i gat 43 krismas tasol. Em i no lapun tru.

Planti manmeri i ken tok Okuk i gat dispela

malira bilong wok politik na stail. Dispela pasin bilong em i no inap abrus long tingting bilong olupela pipel long dispela kantri. Dispela kain malira bilong em long bel bilong wan wan manmeri i mekim ol i sori na belhat long indai bilong em.

Ol pipel i tingim em na sori. Na ol i mekim kamap kain kain bikpel trabel long dispela wik. Ol i no wari. Na ol saientis i laik painiaut stori tru bilong Okuk bai painim hat tru long kisim stori. Bikos ol i mas traim kisim aidia bilong planti manmeri long kain tingting ol i gat long Okuk.



Sir lambakey Okuk

1943 — 1986

RIP

EM NAMBA 3 HAP

tupela i kamap pinis
bipo

10. PASIN BILONG RAITIM NUPELA LO

Olgeta taim ol i raitim wanpela nupela lo, ol i mas ritimaut long Palamen na dispela lo

- (a) i mas bihainim Konstitusen
- (b) sapos em i wanpela nupela lo bilong Palamen, em i mas bihainim olgeta Oganik Lo i stap pinis
- (c) sapos em i wanpela nupela lo o wanpela lo bilong helpim narapela bikpela lo, orait, dispela i mas bihainim ol Oganik Lo na tu dispela bikpela lo em i laik helpim.

Sapos ol i wokim wanpela lo na ol i painimaut olsem, dispela lo i givim em yet sampela pawa em i no gat rait long en, orait, em i tambu long yusim dispela bikpela pawa; tasol olgeta arapela hap bilong dispela lo i gat strong na i lo tru.

11. KONSTITUSEN I WINIM OLGETA ARAPELA LO

- (1) Konstitusen na ol Oganik Lo ol i aslo long Papua Niugini na i winim olgeta arapela lo. Olgeta arapela lo i egensim dispela also ol i no gat pawa olgeta.
- (2) Olgeta samting Oganik Lo o Konstitusen i orait long en, ol dispela i kamap lo long strong bilong ol yet, inap long skel bilong pawa bilong Konstitusen long dispela samting.

12. OL OGANIK LO

- (1) Taim mipela i tok long "Oganik Lo" insait long dispela Konstitusen, mipela i min wanpela lo Palamen i votim pinis.
 - (a) sapos Konstitusen i tok orait long ol i ken wokim wanpela Oganik Lo long bosim wanpela samting
 - (b) dispela Oganik Lo i no ken egensim Konstitusen
 - (c) na Palamen i mas tokaut klia, dispela em i wanpela Oganik Lo
- (2) Ol ken senisim wanpela Oganik Lo sapos ol i wokim wanpela nupela, o sapos ol i senisim Konstitusen.
- (3) I no gat wanpela samting i tambuim Oganik Lo
 - (a) long mekim wanpela wok, ol vot bilong Palamen tu i ken mekim
 - (b) long odaim Palamen long wokim wanpela lo sapos dispela lo i ken kamap long narapela rot tu
 tasol Palamen i ken senisim gen dispela lo long wankain vot i mas gat bilong wokim ol arapela lo insait long Palamen.

13. SENISIM KONSTITUSEN

- Lo bilong Palamen tasol inap long senisim dispela Konstitusen
- (a) na Palamen i mas tokaut klia long em nau i senisim Konstitusen long dispela nupela lo.
 - (b) I gat spesel we bilong senisim Konstitusen. Yu ken lukim long hap namba 14 daunbilo.

14. PASIN BILONG SENISIM KONSTITUSEN

- (1) Olsem hap namba 12 (3) na 15 i tok, sapos ol memba bilong Palamen i

laik senisim dispela Konstitusen o wanpela Oganik Lo, bihainim lo bilong Palamen. Dispela i min, ol i mas autim bilong mekim dispela senis tupela taim, na ol i mas givim o memba taim bilong paitim tok long nupela lo. Na long taim bi ol i mas bihainim hap namba 17 we i gat tok long hamas v sapatim nupela lo.

- (2) Sapos ol i no mas senisim hariap tru wanpela Konstitusen o Lo, i mas gat tupela taim we ol memba i ken paitim tok long ol i laik wokim.
 - (a) dispela ol i mekim long taim Palamen i kibung
 - (b) na i mas gat tu mun o moa namel long namba wan na namel ol i paitim tok

na Spika bilong Palamen i mas prinim dispela nupela lo insait long "Gavman Gaset," na olgeta wan wan memba i mas kisim wanpela bilong ranim Palamen i tok; na dispela tok save i mas kamap wan ol i bringim dispela aidia bilong nupela lo insait long F

- (3) Sapos ol i laik bringim liklik senis insait long dispela nupela lo i mas raitim daun na tilimaut long ol memba bilong Palamen bilong dispela kibung we ol i paitim tok namba wan taim long yet. Sapos ol i no bihainim dispela rot bilong bringim liklik memba i no inap long votim na muvim.
- (4) Long taim ol i wokim nupela lo, Spika bilong Palamen i m wanpela setifiket i soim ol memba i bin bihainim tru olgeta taim ol i votim.
- (5) Long dispela setifiket i mas gat:
 - (a) namba bilong de bilong wan wan vot
 - (b) na long taim bilong dispela vot, em i ma
 - (i) hamas memba i sindaun long haus palamen
 - (ii) wanem namba memba i bin vot orait long lo na hamas bin vot egens. Na tu Spika i mas tok save, sapos Pala mekim hariap wanpela senis long Konstitusen, na i no bilong bihainim olgeta rul bilong dispela.

Dispela setifiket bilong Spika em inap long soim olsem wane nupela lo i bin kamap.

- (6) Tasol Spika i no mas bihainim ol dispela pasin bilong bring lo bilong senisim Konstitusen sapos em i toktok pinis wa Jastis, o wanpela jas dispela Sif Jastis i bin makim, na Spika olsem: dispela nupela lo ol i laik bringim:
 - (a) i no senisim tru astingting na aidia i stap insait long Konstitusen o Oganik Lo
 - (b) i gat wok tasol long stretim wanpela asua i stap long lo o wa ol i lusim
 - (c) em i no nupela samting, tasol em i wanpela aidia o bihainim o kliaim tasol wanpela hap bilong lo o Konstitusen senisim pinis.

Olsem na ol memba i ken votim dispela kain lo wankain olsem olgeta lo long Palamen.

- (7) Suprim Kot i ken tambuim dispela setifiket i gat tok long namba (6) sapos wanpela man (maski husat) i aplai long em 4-pela wik bihain long setifiket i kamaut, na jas i ting tok bil man i stret. Sapos i no gat eplikesen olsem, orait, setifiket olsem tasol.

Konstitusen
Bilong
Independen
Kantri
Papua
Niugini



Tok save i kam long gavman

Dispela Konstitusen, Pater Mihalic i bin tanim long Tok Pisin, em i dispela bilong yia 1975. Insait long las 10-pela yia Palamen i bin senisim sampela Konstitusen, tasol ol dispela senis i no stap insait long dispela Tok Pisin Konstitusen. Pater i bin tanim Konstitusen long Tok Pisin bai ol man/meri i save tok na rit long Tok Pisin i ken skul gut long Konstitusen. Em i bin trai hat long tanim stret olgeta tok insait long en. Tasol dispela Tok Pisin Konstitusen em i no wanpela wok bilong Gavman, olsem na yu no ken yusim tok bilong em bilong kotim wanpela man. Insait long kot, tok bilong Konstitusen long Tok Inglis tasol i gat strong.

• Holim dispela konstitusen i stap katim gut bikos Wantok bai ranim ful konstitusen inap 5-pela mun olgeta.

PAPUA NEW GUINEA COFFEE INDUSTRY BOARD SIK KOPI RAST



Sapos yu lukim Kopi Rast long gaden kopi bilong yu, ripot kwiktai long didiman na tu long ol gavman opisa klostu long yu.

Yu baim ol kwalati! Isuzu bas ol save kostim moa liklik blong wanem...

Ol wokim stron tru, nogat wari bai
kar brukdaun hariap—em i no
kostim tumas long ronim.

Em inap long ron long eniwe long
PNG, isi long sevisim, ol wokim
wantaim top kwalati aian, ino nap
long ras, ol disainim gut tru long ol
draiva na pasindia bai sindaun gut,
em seif tru long rot. Em ol gutpela
samtin
mipela
putim kam
long yu!



*Olsem na planti
long ol man long
PNG ol ronim
PMV bisnis
wantaim ISUZU!*

NEW GUINEA MOTORS

ISUZU

PORT MORESBY
Bob Hall
Ph. 25 3644

LAE
Norm Keay
Ph. 42 3477

KIETA
Doug Shortland
Ph. 95 6144

RABAUL
Max Facoory
Ph. 92 1022

GOROKA
Bob Balenzuela
Ph. 72 1644

MT HAGEN
Tony Ryan
Ph. 52 1152


KIMBE
Robert Palun
Ph. 93 5191

and TABUBIL
Shiva Jothi
Ph. 58 9048


BAI YU GO HET TRU WANTAIM NUPELA DES 8 BILONG TALAIR




Nupela Des 8
Balus bilong Talair
bai kam long
24 Novemba



Double Overhead Baggage Cabins.



Much More Baggage Capacity Per Person.



Bai yu amamas tru long pilim gutpela
sindaun insait long bikpela pasindia rum i gat
ol swis na kontrol sistem bilong sevim yu.

Em i de HAVILLAND DASH 8

Em i Kain balus i gat smatpela stail bilong en yet
wantaim 98 pesen teknikal sistem bilong mekim
smatpela pasindia na kago sevis.

Moa rot bilong malolo wantaim smatpela sevis

- Inap rum long sanap insait
- Inap rum bilong surukim lek
- Smatpela sit bilong sindaun
- Bikpela spes bilong kago
- Smatpela sofdring na kaikai sevis
- I gat ples bilong toilet
- Moa long 483 k.p.h. spit bilong balus.
- Sotpela taim tasol long plai
- Nupela kain teknologi i mekim balus i smat moa
- Smatpela presa sistem long pasindia rum bilong balus
- Balus inap plai enitaim

Sapos yu pasindia bilong balus, yu klia pinis long rot bilong sindaun isi na malolo. Yu ken pilim dispela samting long Des 8 balus. Mipela i wanpela bikpela balus kampani long PNG husat i tingting long amamasim ol pasindia wantaim dispela Des 8 balus. Skelim dispela lista bilong pasindia sevis bilong mipela pastaim na kalap long narapela balus. Na bihain ringim mipela — dispela nupela Des 8 balus em i bilong yu long plai long en na bilip long sevis bilong mipela.

Salim tok long Talair Opis long hap bilong yu tude. Mipela i Des i go pas nau.

- Loloho - 95 1847 • Panguna - 95 8020 • Arawa - 95 2113
- Mt. Hagen 52 2465 • Boroko - 25 7655 • Waigani 25 7877
- Tabubil 58 9228 • Goroka - 72 1355 • Lae 42 2316
- Madang - 82 2757 • Rabaul 92 2882 • Wewak 86 2012 • Port Moresby 21 4766




TALAIR



PNG Elektrol Komissin

Neks Yia Nesinol Eleksin Bai Kamap!

YU MAS REDI LONG VOT! ENROLIM NEM BILONG YU NAU!



Long oraitim yu long enrolim nem bilong yu...

- *Yu mas sitisen bilong Papua Niugini.
- *Krismas bilong yu mas 18 yia olgeta.
- *Yu mas istap long hap elektoret bai yu vot long em na yu bin istap long dispela hap inap sikspela mun olgeta.

HRD 7319

TINGIM GUT EM LO LONG YU MAS ENROLIM NEM BILONG YU. BAI YU BAIM KOT K10. SAPOS YU NO WOKIM.

(SECTION 56 ORGANIC LAW ON NATIONAL ELECTIONS.)

Long kisim moa save:

Yu ken rinim ol Provinsol Elektrol Opisa, bai yu painim telepon namba bilong ol insait long telepon buk ananit long ol Gavman Depatmen, Electoral Commission, o ol Opisa-In-Charge bilong ol Gavman stesin klostu yu stap long em.

Authorised by:

L. LUCAS (MBE)
Elektrol Komisina, P.O. Box 5348, BOROKO.

15. TAIM OL I MAS MEKIM OL SENIS HARIAP

- (1) Olgeta tok i stap insait long dispela namba (15) i lusim pawa bilong em 4-pela yia bihain long Independens De 1975.
- (2) Palamen i ken kalapim olgeta lo mipela i bin raitim long namba (14) (2) sapos em i mas wokim wanpela lo hariap. Tasol Palamen yet i mas votim dispela na 66% bilong olgeta memba i mas vot yesa. (Em i 72 bilong ol 109 memba.) Tasol olgeta hap lo ol i raitim aninit long namba (5) bilong dispela hap 15, Palamen i no ken senisim hariap.
- (3) Palamen i no ken kalapim ol lo bilong 14 (2) na mekim lo i kamap hariap, sapos em i no bin mekim dispela 3-pela samting pastaim:
 - (a) mekim tok save 4-pela de bipo Palamen i toktok long dispela
 - (b) prinim dispela lo long pepa na tilimaut long olgeta memba bilong Palamen na prinim olgeta hap bilong em insait long "GAVMAN GASET" 4-pela de o moa bipo dispela mosen i kam insait long haus palamen.
 - (c) i mas gat spes bilong tupela wik namel long tupela taim ol memba i paitim tok long dispela nupela lo; tasol dispela tupela wik i ken stap insait long taim Palamen i kibung.
- (4) Sapos ol i laik mekim sampela liklik senis o putim sampela tok klia insait long dispela Konstitusen o wanpela Oganik Lo — olsem mipela i toktok long en hia — ol memba i no ken votim dispela sapos ol i no bin raitim daun na tilimautim long olgeta memba long taim ol i paitim tok long en namba wan taim.
- (5) I tambu long mekim lo hariap long ol dispela hap bilong Konstitusen na Oganik Lo:
 - (a) dispela hap bilong Konstitusen
 - (b) tok i go pas long Konstitusen
 - (c) Hap II.2 (Ol lo bilong Konstitusen)
 - (d) Hap III.1 (Ol Nesenel Gol na Tok Stia)
 - (e) Hap III.2 (Lo bilong ol lida; lidasip lo)
 - (f) Hap III.3 (Olgeta rait bilong ol pipel)
 - (g) Hap III.5 (Olgeta samting mipela mas mekim)
 - (h) Hap IV. (Pasin bilong kamap sitisen)
 - (i) Hap VI.2 (Palamen)
 - (j) Hap VI.3 (Spesel pawa bilong wokim lo)
 - (k) Hap VI.5 (Lo bilong ol kot)
 - (l) Hap VII.2 (Pablik Sevis Komisin)
 - (m) Hap VII.4 (Spesel lo bilong ol Plisman)
 - (n) Hap VII.5 (Spesel lo bilong ami)
 - (o) Hap VIII. (Wok lukaut na sekap)
 - (p) Hap IX. (Ol man na dipatmen i holim wok aninit long Konstitusen)
 - (q) Hap X. (Ol spesel pawa i kamap long spesel taim).

16. SENISIM LO

- (1) Sapos lo i gat wanpela hap i bin wok na i gat pawa na bihain ol i wokim lo bilong Konstitusen bilong senisim em, orait, dispela lo bilong Konstitusen i mas bihainim olgeta pasin bilong wokim nupela lo, olsem mipela i bin tok long namba 14.
- (2) Bilong stretim wari na tingting bilong dispela, ol i mas bihainim Sked 1 (Ol lo bilong sotim o skelim mining bilong ol lo bilong Konstitusen) olgeta taim ol i senisim wanpela hap lo bilong Konstitusen.

17. I MAS GAT HAMAS VOT YESA BILONG WOKIM LO?

- (1) Dispela hap i tokaut olsem: i mas gat hamas vot "yesa" bilong senisim hap bilong Konstitusen na Oganik Lo. Long wan wan hap bilong

Konstitusen yet em i tok klia long namba bilong vot. Sapos i no gat tok, orait, dispela i min 66% bilong olgeta memba bilong Palamen. (Em i min 72 bilong ol 109 memba.)

- (2) Sapos ol i laik senisim wanpela lo bilong ol hap mipela i kolim daunbilo hia, 51% bilong olgeta memba bilong Palamen i mas yesa long en.
I gat tok long ol dispela Konstitusen: 3, 6, 10, 21, 23, 24, 26 inap 31, 63, 68, 69, 77 inap 98, 101, 103, 104, 110, 117, 138, 139, 150, 165, 167, 171, 184 inap long 187, 206, 248 inap 252, 264 inap 268.
Na Sked. 1.21 na 2.1 inap 2.14; Sked 3 na 4 na 5.
- (3) Bilong senisim ol dispela hap bilong Konstitusen, i mas gat 66% bilong olgeta memba i tok yesa long en.
Em hia, 35, 36, 50, 57, 105, 109, 113, 125, 155, 157, 160, 163, 217, 235, 239, 243, 244, 245 na 269.
- (4) Sapos ol i laik wokim wanpela nupela lo insait long Konstitusen, orait, namba bilong vot yesa em i mas wankain olsem namba bilong vot bilong senisim dispela lo sapos em i lo pinis.
- (5) Aninit long hap 12(3) sapos ol i laik wokim wanpela nupela Oganik Lo, ol namba bilong vot yesa i mas olsem:
 - (a) Sapos ol i laik wokim wanpela nupela Oganik Lo bilong senisim narapela, orait, nupela i mas gat wankain namba vot yesa olsem olpela.
 - (b) Long ol arapela taim, lo i tok olsem:
 - (i) bilong votim Oganik Lo i mas gat 51% vot yesa (55 bilong 109 memba)
 - (ii) Sapos Konstitusen i no gat tok long namba bilong vot yesa, dispela i min 66% bilong olgeta memba (72 bilong 109)
- (6) Sapos ol i makim kain kain namba bilong votim wan wan liklik hap bilong wanpela Oganik Lo, bikpela namba i win.
- (7) Dispela lo i no tok i mas gat wankain namba tok yesa bilong votim ol liklik hap bilong wanpela Oganik Lo o hap bilong en.
- (8) Sapos ol i laik senisim wanpela hap bilong wanpela Oganik Lo, namba bilong vot yesa bilong dispela senis i no ken antap long vot yesa ol i bin gat long taim ol i wokim dispela lo yet.
- (9) Maski ol toktok bilong dispela hap namba 17, inap long 16 Septemba 1980 ol dispela lo i mas stiaim kaun bilong vot:
 - (a) Sapos ol memba i laik votim wanpela lo bilong skruim wanpela hap i go long Konstitusen, orait, vot yesa bilong en i mas 51% bilong olgeta memba (55 bilong 109)
 - (b) Sapos ol memba i laik votim wanpela Oganik Lo, ol i bin wokim ples bilong en long nupela Konstitusen pinis, orait, em i mas gat 51% vot yesa bilong olgeta memba bilong Palamen. (55 bilong ol 109 memba).

18. PAWA BILONG AUTIM MINING BILONG KONSTITUSEN

- (1) Aninit long dispela Konstitusen, Suprim Kot wanpela tasol i gat pawa long autim mining bilong Konstitusen na givim pawa long wanpela lo bilong Konstitusen.
- (2) Sapos wanpela viles o nesanel o arakain kot i laik save long mining bilong wanpela lo bilong Konstitusen, em i mas askim Suprim Kot. Dispela em i bilong ol bikpela samting. Ol liklik samting nating i ken stap long han bilong smolpela kot.

NEKS WIK GAT MOA



PAPUA NEW GUINEA COFFEE INDUSTRY BOARD



Nau mipela i laik tokim yu long 7-pela kain kopi mipela i save salim insait long PNG. Yu ken painim ol isi tru insait long ol Supamaket na Tretstua i stap klostu long yu:-



K9595


TEK-OF WANTAIM KA LONG DISPELA PRAIS!

*Em i rejista pinis na krungutim rot
Dispela mak bilong rejista em prais
bilong en!*

TOYOTA HILUX 2-WIL DRAIV em i top
trak tru long dispela kantri. Em i
redi tasol long go long han bilong
kastoma! Go lukim Ela Motors
brens long hap bilong yu nau.

No ken Popaia ...
Dispela spesel prais
nau i mekim namba
bilong dispela trak i
sot! Yes...
Yu ken tred-in
tu!

TOYOTA
HILUX



ELA MOTORS TOYOTA

WHEELS FOR THE NATION

PORT MORESBY 217036 • LAE 422322 • RABAU 921988 • MADANG 822188 • GOROKA 721844 • MT. HAGEN 521888
WEWAK 862255 • POPONDETTA 297240 • KAVIENG 942132 • KIETA 956083 • KIMBE 935155 • TABUBIL 589060 • VANIMO 871254

EM1719

A MEMBER OF THE BUICK-PHILIP GROUP

Eks refuji kam bek wantaim 170 moa

Moa long 170 manmeri (refuji) bilong Wes Irian i bin kalapim boda na kam insait long Papua Niguini las wik (Fonde 13 na Fraide 14 Novemba).

Sampela bilong ol i bin brukim bus na kamap long Yapsi refuji kem na saveman bilong lo husat i stop long Wes Sepik, Bernard Narokobi i tok pasin bilong kalapim boda bai no inap pinis.

Ripot i kam long Vanimu i tok, ol dokta na ol opisa bilong Foren Afeas i bin go pinis long Yapsi kem long givim sampela toktok. Na tu ol dokta i wok long sekim ol nogut ol i karim sampela kain sik kam insait long kantri.

Ripot i tok, ol dis-

HENRY MORABANG na ARIABA i raitim

pela pipel husat i kalapim boda em ol liklik pikinini, ol lapun man na tu ol mama. Olgeta yangpela man na bikman i go pait.

Ripot i tok ol Indonesian i bin ranim ol dispela pipel na ol i brukim boda i kam insait long PNG.

Ol Foren Afeas i tingting pinis long satarim balus long karim kaikai i go long refuji kem. Na tu ol i wok yet long painimaut as bilong wanem na ol dispela lain i kalapim boda.

Na narapela 6-pela tu i bin kam insait long

PNG taim ol yusim kanu na ranawe long ol plis long bikpela taun bilong Wes Irian long Jayapura.

Ol dispela lain i bin lusim Jayapura long 8 klok long nait na klok long 11 klok long Yako. Ol i yusim ol kanu na ranawe long ol plis.

Tupela bilong ol dispela lain em bipo ol stap olsem refuji insait long PNG. Nem bilong tupela ya em John Yomelema na Hans Makunway. Na ol arapela em long Hengki Affasonya, John Apsiray, Ronald Yarosiray na Selphin Daymentouw.

Ol dispela lain i gat narakain trabel tru. Wampela bilong ol, John Yomelema, i bin



Piksa bilong namba wan lain refuji i kam long PNG long Februeri 1984

Poto: NEVILLE TOGAREWA

statim pait wantaim sampela plis long Amandi maket. Na ol i ranim em na em hait long bus inap long wampela wik olgeta.

Bihain em wantaim ol arapela poroman bilong em i kalap na ranawe i kam long PNG.

Tasol, wampela man

husat i save helpim ol refuji long sait bilong lo, Bernard Narokobi i tok, dispela kain pasin bilong ol refuji i kalapim boda bai i no inap pinis.

Dispela kain pasin bai i stap olgeta taim. Na i no gutpela long yumi (PNG) i wok long rausim ol i go bek.

Dispela kain hevi i bin stat long 1963 na kam inap nau na dispela hevi bai go yet inap gavman bilong PNG na Indonesia i stretim tru dispela wari.

Mista Narokobi i tok i no gutpela long holim pas ol na salim ol i go

bek. PNG i mas painim wampela na gutpela we long stretim dispela hevi.

Em tok sapos PNG i gat dispela kain hevi nau. Planti ol pipel bai kalapim boda na go long Wes Irian. Na em i wankain stret long ol Irian Jaya nau.

Steamships na Stessl na Johnson

I WOK WANTAIM

— Bambai yu inap raun long wara

STESSL i wokim dingi bilong yu


- Ol i wokim long wampela kain ain, olsem na em i strongpela na i no inap bagarap kwik
- Em i no hevi. I no hatwok long apim i go long nambis o long wara
- I no hatwok long stiaim long wara. Em i spid moa, winim dingi ol i wokim long plang o faibaglas
- I bikpela inap long putim planti kago, na long poret i gat kabot bambai wara i no ken wasim kago

JOHNSON i wokim moto bilong dingi

- Ol i wokim moto em inap wok gut long PNG
- I gat planti speapat
- Koropela bilong en i strong na i gat samting bilong pasim wara
- I gat nupela samting bilong kirapim moto em i wok gut moa
- AC lait

Steamships na Stessl na Johnson i wok wantaim bilong helpim ol man i gat wok long dingi bilong mekim wok bisnis bilong ol.

Sapos yu stap longwe long Mosbi na ol i mas salim i go long yu. ating bar i gat liklik pe moa



GUTPELA PE TRU
Wampela dingi bilong Stessl (5.6m) na wampela moto bilong Johnson (25hp) em **K3250**

SOLE AGENT
Steamships
MACHINERY
Port Moresby 25 9066 • Lae 42 4799 • Madang 82 2055 • Rabaul 92 1400

INTERNATIONAL
Stessl

Johnson

presen bilong olgeta

Gutpela

famili




48cm BMX Baisikol.

K20
DIPOSIT
Pei bilong
of 85 Wik **K1.35**
Prais Moni **K99**



30cm BMX Baisikol
wantaim tupela liklik wil
long baksait.

K12
DIPOSIT
Pei bilong
of 85 Wik **80t**
Prais Moni **K59**



K20
DEPOSIT
Pei bilong
of 85 Wik **K1.35**
Prais Moni **K99**

SARAH
Isi Sia bilong sindaun na
pei bilong em i no dia
tumas.



K21
DEPOSIT
85 Weekly
Payments of **85t**
Cash Price **K69**

SBGVR Babakiu 48cm
wantaim Gas Botol



K24
DIPOSIT
Pei bilong
of 85 Wik **95t**
Prais Moni **K79**

SPG-108A
Hatpela 48cm Babakiu
Plet wantaim Gas Botol.



PLANTI OL NARAPELA
KAIN PILO
Prais Moni **K2.25**



FOAM PILO
NA MATRES
Prais Moni **K15**



K16
DIPOSIT
Pei bilong
of 85 Wik **70t**
Prais Moni **K56**

MERKURIA
Model ETA-038
wantaim 2 Plet Kuka.



K20
DEPOSIT
Pei bilong
of 85 Wik **70t**
Prais Moni **K59**

HAN SOWIN
MASIN



MERKURIA
DRAI AIAN
Prais Monis **K23.75**

FRI Toi o Tiket bilong Kaikai
sapos ol samting yu
baim i moa long **K100.**


Kam Nau na Baim bilong kisim ol
FRI Toi o Tiket bilong ol Kaikai long
Krimas.



**FRI
GIFTS**




INTEGRITY TOASTER
Prais Moni **K29.90**



K18
DIPOSIT
Pei bilong
of 85 Wik **70t**
Prais Moni **K59**

TEBOL FEN



K20
DIPOSIT
Pei bilong
of 85 Wik **85t**
Prais Moni **K69**

FEN wantaim longpela
lek bilong em.

Courts Laki Dro



Yu ken wirim wanpela long ol dispela supra prais. Courts bai gavim Laki Dro tiket long ol lain we ol baim samting we pei bilong ol wirim K300 na antap. Dispela i stat pinis long 19th June, 1986 inap 20th Disemba, 1986. Dro bai kamap long Mande 22nd Disemba, 1986. Bai ol anuonim wina insait long nuispepa long 24th Disemba, 1986.

- Namba 2 prais—bai yu yet makin wanpela tasol long dispela lis.
- Namba 3 Prais—1 set finemark "Country Field"—5 Piece set sospen
- Wanpela Westinghouse RE221—Frisa
- Wanpela Hoover T4228—Wasin masin
- Wanpela Simpson 62 542—Elektrik stov
- Wanpela Simpson 89 381 2001—Frisa
- Wanpela PE AFF 807—Elektrik sawin machine
- Namba 4—10 prais—Elite 24 glass set
- Namba 11—20 prais—1 set 6 Courts glass

**FOPELA
WIK TASOL
I STAP!**

Come down to Courts in Port Moresby



or Lae



or Mount Hagen Now!



COURTS

Port Moresby

Courts the Furniture People. Oldei na taim ol i opim ol stua
Spring Garden Road, Gordons
P.O. Box 1233, BOROKO.
Phone: 25 5900

Mande	8am-5pm	Fonde	8am-6pm
Tunde	8am-5pm	Fraide	8am-6pm
Trinde	8am-5pm	Sarere	8am-6pm

Lae

Courts the Furniture People. Oldei na taim ol i opim ol stua
Millford Haven Road, Lae.
P.O. Box 1326, LAE.
Phone: 42 4800

Mande	8am-5pm	Fonde	8am-6pm
Tunde	8am-5pm	Fraide	8am-6pm
Trinde	8am-5pm	Sarere	8am-6pm

Mt Hagen

Courts the Furniture People. Oldei na taim ol i opim ol stua
Wahgi Drive,
P.O. Box 665, MT HAGEN
Phone: 52 1919

Mande	8am-5pm	Fonde	8am-5pm
Tunde	8am-5pm	Fraide	8am-5pm
Trinde	8am-5pm	Sarere	8am-12.30pm

HRD 7412

Tingim tu ol ausait lain

Dia Edita — Mi laik save bilong wanem tru na mipela i save kisim tupela kain pe. Mi save olsem ol wokman long taun i save kisim bikpela pe na mipela ol wokman long ausait long taun i save kisim liklik pe.

Mi ting olsem dispela kain tupela pe olsem em i no stret. Mipela ol lain husat i wok long ol plantasin insait long ol sab-distrik i no gat graun bilong wokim gaden na painim kaikai.

Mipela i sindaun tu long mani. Sapos mipela kisim liklik mani olsem K36.95

long fotnait, em save pinis long wanpela de tasol long baim ol kaikai long maket na stua.

Wanem mani bai mipela yusim long baim klos bilong meri na pikinini bilong mipela?

Mipela gat ol pikinini husat i save go long skul na ol mas putim gutpela trausis na siot. Mipela mas baim skul bilong ol tu nogut ol tisa i rausim ol long skul.

Taim wantok i dai o pikinini i bagarap, mipela save sot long mani long

kisim bodi i go long ples. Mipela planim ol wantaim bikpela sori long graun bilong plantasin.

Mipela tu i manmeri wankain olsem yupela long taun. Mipela karim yu, praim minista na ol minista na memba bilong Palamen. Mipela bringim developmen, stat long ausait i go insait long taun. Nau bilong wanem yupela i lusim mipela long baksait? Tingim mipela tu.

John Sangal, Banz, WHP.

Tenkyu long boda stori, tasol...

Dia Edita — Mi amamas tru long lukim liklik stori long ol telepon i stap long Amanab na Imonda. Long wanem i no gat planti stori bilong boda i save kamap long niuspepa. Sapos i gat stori, em bai toktok long ol OPM tasol. Gutpela tru na narapela stori i stap.

Tasol mi laik toksave long wanpela samting. Nogut yupela ritim dispela stori long ol telepon long boda na yupela ting ples i gat planti developmen tru. Mi mas tokim yupela stret — dispela hap bilong boda ya i no gat developmen tru na wanem liklik gohet i bin stap bipo em i no stap nau.

Bipo i gat wanpela rot bilong ka i lusim Amanab na i go kamap long ples Yafar. Ol man long ples i save lukautim dispela rot gut. Tasol nau sapos yu go long hap rot i bus pinis.

Taim ol bris long dispela rot i sting pinis, ol man long ples i katim nupela diwai. Ol i katim pinis na ol i askim OIC long sampela nil tasol em i tok i no gat nil. Ol man bilong ples i askim i go i go na bekim i wankain tasol. Orait ol man i tok maski, em olsem na rot i bus nau.

Mi sori long ol man long ples long wanem em i bikpela wok long wokim rot. Ol man bipo i bin brukim baksait long wokim rot ya na nau i luk olsem ol i bin wok nating tasol.

Taim Praim Minista i raun long boda, em i bin tok long wokim haiwe long boda. I luk olsem em mauswara tasol. Sapos gavman i no save lukautim ol liklik rot i stap pinis long hap olsem wanem bai ol i wokim nupela rot?

Bweih Pwenavera, Sogeri, NCD.

Rausim kakaruk long haus

Dia Edita — Mi harim long nius olsem ol lain publik sevan long Enga Provins i save lukautim pik, kakaruk na kain enimal olsem long haus bilong ol.

Olsem na mi laik Wabag Lokal Gavman i mas traime na rausim dispela kain pasin. Sapos ol publik sevan i laik lukautim pik o kakaruk i mas go long ples bilong ol na wokim dispela ol samting bilong wokim "moka" (kilim pik na pati).

Traim na klinim ples na haus bilong yu!

Men Yan, Yapakon, Panguna, NSP.

Okapa bikrot i bagarap pinis

Dia Edita — Mi save go i kam long Okapa bikrot insait long Isten Hailans planti taim mi no amamas long dispela rot. Mi laikim *Wantok Nius* i putim kamap dispela wari bilong mi long publik.

Dispela Okapa rot i stat long rot bilong Hailans haiwe klostu Raipinka Misin stesin na i go long Okapa stesin. Hap bilong dispela rot i kamap long Yagusa haikul, tasol rot i no luk olsem gutpela ples long yumi ol manmeri na pikinini na ol trak i tromoi lek

long en.

Dispela rot tasol i save tambuim ol papa bilong egrikalsa fam na tretstua long karim kago long taunigo long eria bilong ol. Ol man i gat ka ol yutiliti trak i save bringim bagarap long dispela rot. Na ol pipel bilong asples i save pret tumas long kisim gaden kaikai i go long maket.

Long taim bikpela ren i pundaun, ol draiva na pasindia i save hatwok long pusim ka long graun malumalu. Sampela ol i les olgeta long kisim

ka long Okapa na go long Kainantu o Goroka. Na sampela man husat i laik kisim ka i go long Lae o Madang i save pret tru long ranim ka long dispela rot nogut.

Wanem taim bai gavman i opim ai na stretim dispela rot? Planti pipel long bikpela hap insait long Okapa Distrik i laik yusim dispela rot long bringim wok senis i go long wan wan komyuniti long bus eria. Planti kain toktok giaman bilong wok politik i bagarapim rot

bilong ol dispela liklik samting bilong helpim pipel.

Ol provinsal na nesenel memba bilong dispela eria i mas opim ai na mekim samting long dispela bikrot bilong Okapa. Yupela i mas tingim samting bilong helpim pipel pastaim na bihain yupela i ken pilai politik long ol samting nabaut.

Marri Moffano, Mangi Henganofi, Ramu Suga, Madang Provins.

Dia Edita — Mi laik autim liklik wari bilong mi long memba bilong Ialibu/Pangia, Mista Pundia Kange.

Yes, Mista Kange, yu bin stap memba inap 14 krismas tasol mi no lukim wanpela developmen i kamap long las Wiru. Olsem

Kange no ken mauswara

wanem yu lus tingting long mipela ol pipel bilong las Wiru?

Mipela ol pipel bilong Wiru tu i makim yu na yu go long Palamen na mipela i no makim yu long bilasim

haus bilong yu tasol.

Taim bilong kempen i kam klostu na mipela i no laik lukim yu Pundia Kange i kam long ples bilong mipela. No ken tru kam na mauswara long ol pipel.

Mi laik askim ol pipel bilong las Wiru husat i save rit na rait long raitim pas i go long *Wantok Niuspepa*. **Yoroka Were, Membu, Viles, Pangia, SHP.**

60 bek long ples

Dia Edita — Mi bilong Yankok Viles, Wes Sepik tasol nau mi stap wok long Wonga No.2 plantasin long Rabaul.

Mi bin lukim planti wantok i marit long Kokopo na tingting bilong mi i no gutpela tumas. Em i no gutpela tru.

Taim ol i marit ol pikinini i bikpela ol i save painim hat tru long go bek long ples bilong ol. Na taim ol i laik go long ples i no gat mani long balus tiket bilong balus.

Ol papamama tu i no save tingting long kisim ol pikinini bilong ol i go long ples. Taim ol pikinini i bikpela ol i laik bihainim pasin bilong papamama bilong ol. Ol tu i save laikim Kokopo na i no save tingting long go bek.

Em i no gut, na mi ting i mas senis. Plis salim ol pikinini i go bek long Sepik.

Steven Laigin, Yankok, WSP.



Mi amamas long top sekyuriti sevis long Ramu Suga

Dia Edita — Mi lukim sekyuriti sevis bilong Ramu Suga kampani i mekim smatpela wok tru. I gat liklik lain plisman i stap long dispela hap. Tasol ol i save singautim ol sekyuriti opisa husat i mekim smatpela wok helpim.

Ol dispela sekyuriti opisa i no save sakim maus bilong plisman.

Nogat. Ol i save kirap tasol na joinim plisman long stapim pait o trabel i kamap insait long banis bilong Ramu Suga kampani.

I gat planti gutpela wok em ol dispela sekyuriti i mekim kamap. Ol i save helpim long kisim planti sikmanmeri i go long klinik. Ol save

bringim ol spakman i go long haus bilong ol. Na ol i save givim han long planti manmeri husat i bungim hevi o birua.

Planti manmeri bilong Hailans, Momase, Niugini Ailan na Papua rijin insait long Ramu Suga kampani i lukim dispela smatpela helpim. Long wanem wanpela wanpisin namel long ol i sik, em bai sekyuriti opisa i bringim dispela memba i go lusim duti sista long klinik. Sampela taim ol dispela sekyuriti opisa i kisim ol dispela sikmanmeri na pikinini long haus bilong ol i go long klinik.

Mi lukim dispela helpim bilong ol sekyuriti opisa na tingim ol dispela askim:-

1. Bilong wanem as tru na plisman i askim sekyuriti opisa long joinim ol na stapim trabel?

2. Ol dispela sekyuriti opisa i no sista o dokta bilong haus sik na mekim wok bilong helpim na lukautim sik pipel. Watpo na ol i mekim dispela wok lukautim?

3. Ol dispela sekyuriti opisa i lukautim banis bilong kampni na lukaut long ol stilman o trabelman. Sapos stilman i kamap long eria bilong ol na brukim opis, faktori, stua na stilim samting, bai ol dispela opisa i painimaut long asua olsem wanem?

Sapos husat manmeri i belpen long dispela pas bilong mi, ol i mas raitim pas long *Wantok Niuspepa* na bekim dispela tripela kwesten.

Marri Moffano, Ramu Suga Kampani Madang Provins.



Katim han na lek bilong ol raskal

Dia Edita — Mi save stap long ples na harim nius bilong sampela hap bilong kantri olsem Mosbi, Lae, Hagen na tu ol arapela taun nabaut na mi tingting planti.

Mi save harim olsem planti ol yangpela man i bin kamapim planti raskal pasin. Na dispela kain pasin i no gutpela tru.

Dispela ol pasin bilong bagarapim, stilim ka, brukim stua, brukim haus, paitim arapela man na stilim ol samting i no gutpela tru. Taim ol papamama i givim baksait long dispela ol raskal ol toktok dispela taim raskal pasin i save stat.

Taim ol mama i karim pikinini man, planti ol man i save olsem em nau wanpela memba bilong raskal geng i kamap. Ol i no save kamap gutpela boi. Ol i save kamap olsem bikhet pikinini tasol.

I gat planti ol raskal i stap na mi laik sapos ol plis i holim ol. Ol i mas katim han o lek bilong ol dispela em olsem wanpela kain mak bilong ol man nogut.

Sapos mipela i lukim ol dispela kain man orait bai mipela i ken save olsem ol man bilong mekim raskal pasin bipo. Taim ol plis i paitim ol na kikim ol, em i samting nating long ol.

Dispela kain i no save mekim wari. Ol i save kam ausait long haus kalabus na mekim pasin nogut. Ol i save olsem taim ol i pinis kalabus ol bai kambek na mekim trabel gen.

Jim Dassong, Ramu Suga, Lae, MP.

Salim pas i kam long:



WANTOK NIUSPEPA PO BOX 1982 BOROKO

NEW

HONDA CT 125

RELIABILITY

Sapos yu raun na sekap long plantessin, mekim ol arapela wok o yu raun tasol yu mas kisim Honda long stretim olgeta raun bilong yu.

Olsem ol arapela Honda baik bilong wok, dispela Honda CT 125 em i smat na i isi long ranim na i gat nem long mekim olkain wok.



Honda CT 125
i gat:

HONDA CT 125

- *Wanpela strongpela lo-mentenens wantaim 4 stroke OHC ensin i gat mentenens fri CDI. I gat 3-pela hai gia na 2-pela lo gia em inap long helpim baik i ran long kain kain ples.*
- *I gat ples bilong putim ol kago long fran na baksait tu.*
- *I gat lep na rait Big foot side stand. Ran brek paking lok.. Klas liva lok bai lokim baik long taim em i stap long gia.. Karamap bilong kendel ba. Smatpela strongpela sit.*
- *Yu ken muvim ol fran na baksait mudgad i gat ol madflap.*
- *Strongpela na gutpela taia.. Long strok fran saspensen.*

- *Saspensen long baksait i gutpela na i strong. Mafla bilong baik i no inap ros. Kros kantri*

ensin gad. ● Isi long statim tasol baik. Smatpela stail bilong en.

Test draivim wanpela Honda CT 125 wok motobaik long dila bilong yu nau!



Yu wok; gavman bai helpim!

Dia Edita — Mi wanpela soldia bilong PNGDF nau mi stap long PNGDF bes long Kiunga.

Mi laik bekim pas bilong brata Puia Norman Koga bilong Higaturu Wel Pam long Noten Provins.

Dia brata Puia N Koga mi no bin amamas long pas yu bin raitim long *Wantok*

Niuspepa, Namba 636.

Ating yu mas go long haus sik na stretim ai bilong yu, orait bihain yu kam singaut long gavman long helpim yu. Yu noken sindaun tasol na ting olsem gayman bai kam helpim yu.

Yu tok olsem planti kaikai i bagarap pinis bikos gavman i no

helpim. Gavman i save lukluk long ol man bilong wok hat na harim tok na bihain gupela pasin.

Brata yu tok olsem na yu stopim ti faktori, yu yet bagarapim rot, yu no laikim wokman bilong gavman, yu yet yu bagarapim gavman stesin na nau yu askim gavman long helpim

yu. Baras noken silip tumas, sanap long tupela lek bilong yu na wok bai gavman i ken helpim yu tu bikos em bai lukim olsem yu wanpela man tru bilong wok.

Maino R Mattoa, PNGDF Bes, Kiunga.

Plisman aigris long meri

Dia Edita — Mi laik autim wari bilong mi i go long plisman hia long Menyama. Sampela bilong ol i no save wok gut tasol ol i save aigris long ol meri tasol.

Long taim bilong wok plis yupela mas wok stret.

Mi lukim dispela pasin bilong aigris i no stret. Long taim yu de op nogat wari. Yupela i ken pinisim laik bilong yupela. Yu save pinis laik bilong bodi i ken pulim yu i go. Okei em i nogat samting, tasol sapos yu laik toktok wantaim meri okei rausim ol yunipom pastaim.

Jeffry Sakapena, Kulamnala Vilis, Menyama, MP.

No senisim gavman

Dia Edita — Mi olpela presiden bilong Telefomin Lokal Gavman Kaunsil i laik mekim dispela askim i go long Praim Minista Paias Wingti. Plis, no ken putim ai long tupela gavman minista bilong Wes Sepik Provins insait long gavman. Dispela tupela man, em Minista bilong Helt, Mista Micah Wes na Minista bilong Komyunikesen, Mista Gabriel Ramoi.

Mi harim strongpela tok win olsem Nesenel Gavman aninit long yu, Mista Wingti bai senisim ol memba long kabinet bihain long palamen kibung bilong Novemba.

Mi laik tok klia olsem bikpela wok senis i kamap long Wes Sepik Provins i bin kamap namel long taim Wingti-Chan gavman i holim opis inap long 11-pela mun nau. Ol pipel bilong dispela provins i no inap amamas tumas sapos gavman i rausim dispela tupela minista long wok.

Mi no laikim gavman i mekim dispela senis bilong nesenel kabinet long dispela taim. Long wanem nesenel ileksen bai kamap liklik taim bihain. Sapos gavman i go het na mekim dispela senis nau bai no gat taim long stretim ol wok bilong ol gavman minista na redi long kempen. Olsem na maski long dispela senis long nesenel kabinet nau.

Peter Talmansap, Ex-Telefomin Kaunsil, Presiden, WSP.

Pikinini pilai long Palamen

Dia Edita — Mipela ol manmeri bilong PNG i les pinis long harim toktok olsem bilong liklik pikinini long palamen.

Ol memba i save westim taim na mani bilong pablik long westim taim. Yupela ol memba i save singaut na pairap nating. Mipela i save sem nogut tru.

Yupela ol memba man bilong wokim disisen tasol yupela i save go westim taim na man i stret long pala-

men. Mipela i no gat bilip long yupela stret. Sapos ol memba i no senisim dispela kain pasin, mipela i no laik NBC long brotkas long kwesten taim.

Mipela ol pipel i laik harim ol gupela toktok bilong kirapim kantri.

Na maski long westim taim long mekim kainkain toktok i nogat kaikai.

John Saitiki, Walium, Madang Provins.

Pilai boksen i no olsem bipo, taim bilong Aba

Dia Edita — Mi wanpela mangi bilong Not Solomons. Mi save laikim pilai boksen i no moa gupela olsem bipo.

Long taim bilong John Aba, na Martin Beni mak bilong boxin i bin stap antap tru. Ol dispela tripela i save

pait wantaim planti man long ovasis. Mi tok em ol i man tru.


Bougainville Boxin Promosen Kampani i bin kisim ol boksa olsem William Gube, Gibson Gibmai na

Michael Peni long pait wantaim Mark Apai bikos ol i save Mark Apai bai i winim ol.

Ol i mas kisim ol man long ovasis long kam pait wantaim Mark Apai. Em bai

gupela bikos Mark tu i ken kisim trening long ol. Tasol mi nogat tok long ol Ametuar boksin, ol i tok stret.

John Lotta, Arawa, NSP.



Singsing Bobirunpun stap we?

Dia Edita — Mi wanpela boi na mi save putim yau long redio. Na harim ol singsing i kamap long redio. Long olgeta singsing bilong ples i save kamap, nogat, wanpela singsing tru bilong Bobirunpun i save kamap long redi Madang liklik.

Olgeta taim mi save harim singsing bilong ol narapela ples tasol long progrem bilong singsing tumbuna. Olsem wanem mipela ol pipel bilong Bobirunpun i bilong narapela provins, ah?. Olsem na redio Madang i nogat wanpela intres liklik long ples bilong

mipela. Nau mi askim gen plis tru yupela ol anaunsa bilong redio Madang, sapos yupela i gat ol singsing tumbuna bilong ples bilong mi. Inap long yupela i traim na pilaim wanpela singsing liklik long progrem bilong yupela.

Plantu pipel i save pilim i gupela tru long harim singsing bilong ples bilong ol. Na mipela tu i laik harim singsing long Asples tru bilong mipela.

Kevin Baburan, Bobirunpun Viles, Madang.

Yu gat 30 krismas, orait sanap long '87 ileksen

Dia Edita — Taim bilong bikpela ileksen i wok long i kam klostu.

Na plantu pipel i resis long sanap long ileksen. Na mi laik tok save olsem i moabeta ol

dispela pipel i laik sanap mas winim mak

bilong 30 yia krismas.

Dispela ol pipel aninit long 30 yia mak olsem 25, 22 nambaut maski long skirap long kampain long sanap long ileksen. Bikos ol lain liklik lain ya em ol o dring susu bilong mama yet. Na i nogat save tru long wok i kamap long Palamen Haus.

Na ol bai nogat save tu long ol wok Ministri, em ol Minista i save mekim. Oli save pret. I gat strongpela bun tru na i ken pait strong long hap bilong ol. Mi yet i pilim long Okapa distrik bilong mi, i mas i gat strongpela man tru.

Mipela les pinis long kisim plantu kain nius olsem ol memba i save harim ol renta-a-ka.

Na karim ol meri long rot wokabaut.

Mipela i les pinis long harim nius olsem ol memba i save larim ol meri bilong ol i stap long ples. Ol save karim ol meri long rot i go long ol hotel em ol i save i stap long en long Mosbi.

Olsem na makim stret wanpela man em yupela ol pipel yet i gat tras long em olsem em i no man bilong paul wantaim ol meri. Na bai tingting long kibung bilong palamen tasol.

Mi salim dispela toktok i go stret long ol pipel bilong mi long Okapa long Isten Hailans Provins.

Emmanuel Kaso, Boroko, NCD.

Salim pas i kam long:



WANTOK NIUSPEPA PO BOX 1982 BOROKO

Raitim stret nem na adres bilong yu long ol pas. *Wantok* i no inap printim ol pas we i no gat nem na adres long ol.



Dispela mani bilong ol seken wol woa kago karia nau kamap long baset bilong Chan-/Wingti gavman mas kwiktai tilim i go long ol wan, wan lapun nau bipo long ol indai.

Salim dispela mani i go long ol provinsal Opis na wantaim ol nem bilong mipela i aplai pinis. Olsem mipela i ken kisim skel bilong mipela. Tenkyu.

Gideon Apeng, Lae, Morobe Province.

KAAS MOONI



TASOL K7995! ISUZU KB 21's

NEW GUINEA MOTORS

ISUZU	PORT MORESBY Bob Hall Ph. 25 3644	LAE Norm Keay Ph. 42 3477	KIETA Doug Shortland Ph. 95 6144	RABAU Max Facoory Ph. 92 1022	GOROKA Bob Balenzuela Ph. 72 1644	MT HAGEN Tony Ryan Ph. 52 1152	KIMBE Robert Palun Ph. 93 5191	and TABUBIL Shiva Jothi Ph. 58 9048
--------------	--	--	---	--	--	---	---	--

Sekan Han Kar long Pot Mosbi



MAZDA E1600
Good goer. Must sell this week. UVP-514.

TOYOTA COASTER
25 SEATER BUS Good goer.
Price is right. UVP-652.



K1,999



TOYOTA TO-YOACE UTE
Ready for work.
A real bargain. UVP-651.

K995



TOYOTA DYNA TRUCK
New duco job. Good rego.
UVP-665.

K3,695

ISUZU BLD. BUS
They are the best with 12 months rego. included. UVP-439.



K3,995




HOLDEN HK
Auto sedan,
fire engine red duco.
Cheap car. UVP-537.

K899



ISUZU NKR TRUCK
The best for the highway.
As good as new. UVP-655.

K11,995



XD FORD FALCON
T/bar auto-air/cond.,
P/steering, mags. A real
bargain. UVP-294.

K5,995



DAIHATSU PORO
4x4 Diesel H/Top.
Cheap buy. UVP-405.

K2,990

POT MOSBI
Tasol!
Ph: 25 3644



MAZDA 929
T/bar, auto, white in colour.
12 months rego. UVP-503.

K3,999

HRD 7422

NEW GUINEA MOTORS

ISUZU

PORT MORESBY
Bob Hall
Ph. 25 3644

LAE
Norm Keay
Ph. 42 3477

KIETA
Doug Shortland
Ph. 95 6144

RABAU
Ron Gough
Ph. 92 1022

GOROKA
Bob Balenzuela
Ph. 72 1644

MT HAGEN
Tony Ryan
Ph. 52 1152

KIMBE
Robert Palun
Ph. 93 5191

and TABUBIL
Shiva Jothi
Ph. 58 9048



Tewel helpim liklik susa

Bipo, bipo tru long taim bilong ol tumbuna long maunten na bus bilong Pindiu i no bin save isi, ol tumbuna man i save pait, pait tasol.

Pait namel long wanpin em i bin bikpela samting tru. Long lewa bilong ol tumbuna long dispela taim.

Long wanpela ples i bin i gat tupela sista. Tupela yangpela meri tru. Papamama bilong tupela indai pinis. Tupela tasol i stap. Na tupela yet i save go wok gaden, painim abus, kukim kunai, na ol wok ol man i save wokim tu.

Taim haus bilong tupela bagarap o bruk daun tupela yet i save katim ol nupela diwai, lip na stretim dispela haus gen.

Na ol yangpela man long ples bilong tupela i save putim skin tru long tupela. Tasol, ol i save pret long askim laik. Long wanem tupela i strongpela meri tru. Na i olsem man, i gat bikpela bun na masel tru bikos tupela i no save mekim tasol ol wok em meri save wokim. Tupela i save mekim save tu ol wok em ol man i save mekim.

Wanpela de nau toktok i kam long ples longwe tru. Olsem i gat wanpela man bilong narapela ples bai i kam long lukim tupela. Dispela de tupela i no wok, na i stap malolo tasol long haus.

Wanpela sista i wok long sindaun wokim bilum. Na narapela sista i stretim sampela wok nambaut long haus. Man ya i kamap nau long tupela. Dispela man i luk klostu wan kain olsem papa bilong tupela stret. Man ya i holim han bilong tupela na em kraai. Na em i tokim tupela, "Mi liklik papa bilong yutupela. Liklik brata bilong papa bilong tupela. Tasol, narapela meri i bin karim mi i go long ples long we olsem pikinini bilong em."

Em i tok, "Mi i no moa bilong dispela ples. Mi save tingim yet papa bilong yutupela. Na i no long taim mi harim olsem yutupela pikinini bilong brata bilong mi. Nogat pikinini man yutupela tasol, yutupela save hat wok tru."

"Mi harim dispela kain stori na mi wokabaut long we tru yet i kam long painim yutupela. Na mi laik bai yutupela i kam wantaim mi long ples bilong mi. Mi i gat 3-pela pikinini man

olgeta bikpela pinis na i gat tupela sista tu. "Yupela olgeta ken sindaun long wanpela hap tasol."

Tupela meri i tingting planti long ol wok bilong tupela. Ol gaden kaikai, graun bilong papa bilong tupela. Na olgeta hap bus nambaut em tupela i bosim we papa i lusim long tupela.

Em tokim tupela olsem bai wanpela brata i kam bek bihain wantaim tupela. Na

welkam long tupela. Ol i holim pasim tupela na stapim tupela long i no ken i go bek long ples bilong tupela.

Olgeta sindaun gut tru na papa bilong ol narapela 5-pela pikinini wantaim tupela meri ya. Papa i stori long papa bilong tupela meri ya na em yet (smol papa) i wan mama na wan papa. Tasol, narapela meri i kisim dispela smol papa i go long narapela ples olsem was mama.

long smol papa i go long ples tru bilong tupela nau. Smol papa i salim narapela liklik man ya long kisim ples bilong papa bilong tupela meri. Na bai kamapim famili bilong ol olsem bai i gat nem bilong ol i stap na i no ken lus. Taim tupela meri i marit i go long famili bilong man.

Tasol, i gat wanpela man i save bagarap tru long maritim bikpela sista ya i belhat tru long narapela man bilong

redim olgeta samting bilong pait. Na bilas gut tru pinis long pait.

Toktok i go i kam pait i bruk nau. Bikos watpo tupela meri laik i go marit longwe olsem i nogat man long ples bilong tupela yet. Tasol ol man i gat laik long ples i no gat bun na askim tupela stret long maritim tupela.

Olsem na ol man bilong narapela ples husat i gat bun i kisim bikpela sista na i no long taim bai narapela sista i marit longwe ples tu.

Bikpela pait i bruk. Dispela man i save hait na ai gris i bel hat nogut tru. Na em i go kilim dispela man bilong sista na meri bilong em wantaim.

Bikpela sori tru i kamap nau. Dispela man i jeles na long bikpela sista i marit long man long narapela ples na watpo i no maritim em.

Liklik sista bilong em i save wari, kraai de na nait. Na bodi bilong meri ya wantaim man bilong em ol putim antap long han bilong diwai.

Na sampela wik i lus pinis wari i save kisim liklik sista, em save i go sindaun aninit long hap we bodi i stap long en. Na wara bilong bodi bilong bikpela sista i save pundaun

antap long skin bilong em.

Olgeta de em save putim graun antap long skin bilong em sindaun aninit long bodi bilong sista bilong em. I go i go long wanpela de tewel bilong bikpela sista i kamap olsem meri stret na tokim liklik sista bilong em.

"Mi tokim yu liklik sista, yu yet mas lusim dispela ples na i go longwe olgeta. Na yu i no ken kam bek moa. I go long we tru maritim gutpela man na mekim famili bilong yu.

Na sindaun olgeta. Lusim tingting nau long dispela ples, sapos yu abrusim toktok bilong mi, bai yu tu indai olsem mi. Bai ol man long ples i jeles na kilim yu indai.

Liklik sista i wari na kraai. Sampela taim bihain em isi tasol kisim ol bikpela kago bilong em na wokabaut go bek long ples bilong smol papa bilong em.

Bihain em i lusim dispela ples na i go long we tru na marit i stap olgeta.

John Kommas, Kieta, NSP.

Man ya i jeles na kilim bikpela susa wantaim man bilong em taim wanpela bikpela i bruk.

lukautim tupela inap tupela marit. Tasol nau em i laik bai tupela i go lukim ol brata sista bilong tupela bilong liklik papa ya.

Narapela de moning taim tru tupela meri, smol papa i wokabaut i go kamap long ples i stap we tru. Ol lain bilong smol papa, mama na 3-pela brata, tupela sista wantaim ol famili bilong ol i bungim tupela.

Ol i sori long tupela yangpela meri ya, na amamas wantaim na

Tasol, tupela meri i go i stap. Na i stap olgeta longpela taim tru. Na bikpela sista i painim laik wantaim wanpela yangpela man bilong dispela ples.

Ol i stretim marit bilong tupela. Na bikpela sista i maritim dispela yangpela man ya bilong dispela ples. Narapela sista nogat. Em i no painim man yet.

Sampela tiam i lus pinis bikpela sista, liklik sista. Na narapela brata bilong tupela

narapela ples i maritim em.

Em i tok, watpo olsem nogat gutpela man long dispela ples na painim man tru long longwe hap. Na meri long ples bilong mipela i marit i go longwe.


Man ya i sutim bel bilong ol lain bilong em wantaim ol dispela toktok. Na ol i laik kirapim pait nau wantaim dispela man bilong bikpela sista ya.

Ol lain bilong man ya long narapela ples i harim, kwik taim ol tu i

HONDA

planti tumas

PAUA



SAMPELA GUTPELA SAMTING LONG LIKLIK PE

OL ENSIN BILONG HONDA


I gat kain kain ensin bilong mekim kain kain wok.
 ● I no pairap tumas, i klinpela, i wok gut ● Em Strongpela ensin ol i kolim 4-strok ● I no pinisim mani na i no bagarap kwik
 Sapos yu laik kisim sampela save moa long en, orait go long stua i save salim ol masin bilong Honda.

Sold and Serviced by

Steamships - MACHINERY


Port Moresby 259066 ● Lae 424799 ● Madang 822055 ● Rabaul 921400 and Honda dealers throughout Papua New Guinea

Pasel... Pasel... Pasel...



WHICH PICTURE GOES WITH THE NEGATIVE (TOP LEFT)? Mark it with a X

SAL HAD HER PORTRAIT PAINTED EIGHT TIMES BUT ONLY ONE SHOWED A TRUE LIKENESS. WHICH IS IT? STUDY SAL HERE THEN COMPARE WITH THE FRAMED VERSIONS



WRITE YOUR ANSWER here

Nupela Sios muvmen laikim olpela stail Latin misa

HENRY MORABANG
i raitim

WANPELA Sios muvmen i wok long traim painim rot long gro bikpela insait long Madang. Nem bilong dispela muvmen em "LEFEBVRIAN."

Dispela sios muvmen i narakain muvmen stret. Em i wok long kamap insait long Katolik.

Ripot i kam long Madang i tok, wanpela pris bilong Nu Silan i bin kam na traim long kirapim dispela muvmen. Ol i tok ol i no save long nem bilong dispela pater.

Ripot i tok, em i bin giaman na yusim paspot long kam insait long kantri olsem wanpela turis long lukluk raun insait long Madang. Na taim em i

kamap, em i kirap na wokim ol misa.

Bikpela wari tru i kamap long Madang. Katolik Asbisop bilong Madang, Leo Arkfeld i bin singautim wanpela profesa bilong Bomana seminari Pater Gerard Hall long go toktok na kliaim tingting long dispela Lefebvrain muvmen.

Bisop tu i askim Pater Gerard Hall long givim ol sampela bikpela toktok bilong Lefebvrain long ol pipel bilong Madang.

Dispela muvmen i tok, "Oli laik bihainim olpela pasin bilong wokim misa. Ol pater i mas givim beksait long ol pipel long lotu na mekim misa, long tok Latin."

Hia em sampela bikpela as tingting bilong dispela mevmen;

1. Ol i laik bihainim

pasin bilong Orthodox, Bilip bilong Katolik sios long bipo.

2. Dispela muvmen makim maus bilong sios bilong Rome. Na em i min olsem Kaunsil ov Trent na tu namba wan Vatikan kaunsil.

Na dispela muvmen i no gat bilip:

1. Long Vetikan Kaunsil, na nupela lo bilong mekim misa.

2. I no gat bilip long pawa bilong sios, (muvmen i bilip olsem Pop Pius XII i pop tru).

3. Sios i now olsem Sios bilong Rom. (ol dispela sios i bruk lusim Jisas. Na em i min olsem Jisas i no sios. Sios i narapela na Jisas em i narapela.

Asbisop Leo i tok em i no gat bilip tru long dispela muvmen. Na em i putim bikpela tambu stret long ol pris

bilong dispela muvmen i wok insait long daiosis bilong Madang.

Dispela muvmen i no gat bilip long ol skul bilong katolik sios na Bisop i no laik ol i stap long daiosis bilong em.

Bisop Arkfeld i bin askim olgeta pipel insait long Madang na tu insait long kantri long lukaut long ol Lefebvrain muvmen.

Pater Hall tu i tok, dispela muvmen i stat insait long katolik sios yet. Tasol, em i no bihainim lo na bbilip bilong sios na dispela i no muvmen bilong katolik sios.

Dispela muvmen em bilong wanpela man husat i laik kisim biknem na wokim kamap dispela muvmen."


Pater bilong Holi Spirit paris long

Madang Taun, Joe Foster, i tok, Paris na daiosis bilong Madang i no gat nem long

dispela muvmen. Em i tok, "I tru dispela muvmen i stat long Madang em i no

min em bilong Madang. Em wanpela rabis grup o muvmen tasol."

Ansa bilong las wik



Sande lotu

Frank Mihalic

PAWA BILONG STORI

Sande Lotu 30 Novemba 1986

WANPELA de wanpela lapun pris i go long kalabus bilong raun na toktok wantaim ol kalabusman. Em i painim wanpela yangpela man i laik givap.

Man ya i tok olsem, "maski, Pater, larim mi. Mi man nogut. Mi bin paulim olgeta samting long laip bilong mi. Mi bin bagarapim ol gutpela pipel nabaut long mi: mama bilong mi na meri bilong mi na meri bilong mi na pikinini bilong mi."

Pater i wet liklik, nau em i tok, "Yes. Inap nau yu bin mekim nogut long ol arapela manmeri. Na yu no inap stretim bek dispela rong. Tasol nau yu mas statim nupela rot long laip bilong yu; yu mas kisim nupela stia. Ating yu mas harim sampela nupela stori. Bai mi tokim yu sampela."

Kalabusman i kirap nogut na i pairap na i tok, "Wanem samting? Yu tok long ol stori? Mi laikim strongpela skul na tok. Mi no laikim blari stori nating. Em samting bilong ol pikinini."

Nau Pater i putim han long solda bilong belhat kalabusman na i tok isi long em, "Yumi sindaun liklik. Na yu mas larim mi autim wanpela stori tasol long yu — wanpela tasol. Oke?"

Orait, nau lapun Pater i stori na kalabusman i putim yau.

Pater i stori long wanpela man nogut tru i bin dai na i kamap long bikpela kot bilong God. Long dispela de 4-pela bikman i bosim kot: em Ebrahim na Devit na Pita na Luk. Orait, nau wanpela ensel kuskus i ripot long laip bilong dispela man nogut. Em i bin paulim olgeta samting. I nogat wanpela gutpela samting em i bin mekim. Orait, nau Ebrahim i kotim man na i tok, "Kain man nogut olsem yu i tambu long kam insait long heven. Yu mas klia long hia."

Tasol dispela tarangu i lukim pes bilong Ebrahim na i tok, "Yesa, papa Ebrahim, mi bin mekim planti rong. Mi ken singaut tasol long marmari. Ating yu tu i bin mekim rong long laip bilong yu yet long taim yu giaman na yu tokim king, meri bilong yu em i susa bilong yu. Na olsem yu sevim laip bilong yu. Tasol God i bin pogivim yu na yu kamap papa bilong bikpela lain pipel."

Nau Devit i helpim tok bilong Ebrahim, na i tokim daiman, "Ebrahim i tok stret. Yu bin mekim planti samting nogut. Yu no ken kam

insait long heven." Na man ya i lukim pes bilong Devit na em i tok, "I tru, mi man nogut. Tasol mi wetim marimari bilong yu. Yu yet yu bin stilim meri bilong Uraia na slip wantaim em. Na bihain, yu kilim indai Uraia yet. Tasol God i pogivim yu. Nau mi askim yu long pogivim mi."

Pita nau i joinim tok olsem, "Tasol yu no man olsem Devit. Devit i bin soim em i laikim God. Yu nogat. Tang nogut na tok nogut bilong yu i bin semim God tasol."

Nau siaman i tok, "yesa, i tru. Mi mas pasim maus nau. Long wanem, dispela maus bilong mi i bin tok nogutim planti taim nem bilong Jisas. Tasol, Saimon, yu pikinini blong Jon, yu mas marimari long mi. Yu yet yu bin wokabaut poromanim Jisas. Tasol long taim em i pret na i pre long gaden, yu no kea liklik; yu slip tasol. Na long taim ol man i wok long kilim Jisas i dai, yu yet yu giaman tripela taim na yu tok, yu no save olgeta long dispela man..."

Nau Luk i tok, "Maski. Yu mas go. Yu no inap kam insait long kingdom bilong heven."

Man ya i daunim het na i tokim Luk olsem, "Ol i bin raitim daun stret olgeta samting nogut mi bin mekim long laip bilong mi. Tasol mi pilim olsem, hia long dispela gutpela ples i mas gat wanpela liklik spes bilong mi. Ebrahim na Devit na Pita i mas sambai long mi; long wanem, tripela ya i bin mekim bikpela rong tu. Na tripela i save tumas long gutpela marimari bilong God."

"Luk, yu man bilong raitim Gutnius, yu yet i mas opim dua bilong heven na kisim mi i kam insait. Long wanem, yu yet i bin raitim planti stori i soim olsem wanem God i laikim yumi tru. Luk, yu no luksave long mi, a? Mi dispela sipsip i lus na wasman i karim long solda bilong em na i bringim bek long banis. Mi yangpela brata i bin go lusim ol mani bilong papa na paulim tru laip bilong em....tasol em i kam bek, na papa i hepi long bungim em."

Dispela tok i sutim bel bilong Luk na em i opim dua bilong heven na trabelman i go insait.

Nau lapun Pater i lukim kalabusman na i tok, "Em nau! Mi laik bai yu mas ritim na harim na lainim planti dispela kain stori. Ol i no stori nating. Ol i skulim yu long marimari bilong God. Ol i gutpela marasin bilong laip bilong yu; ol bai soim rot long yu."

HONDA

planti tumas


PAUA

"TILLER" BILONG HONDA —

I gat liklik na i gat bikpela na sapos yu mekim wok long dispela masin bilong Honda bilong brukim graun bai yu inap wokim gut gaden na i no hatwok.

- Em i no pulim bikpela bensin
- I no hatwok long mekim wok long en, em i no ken bagarapim yu, em i wok gut

**I NO HATWOK
LONG MEKIM WOK
LONG EN**



- Yu inap kisim save kwik long mekim wok long dispela masin
- No ken tanim bensin wantaim wel

Sapos yu laik kisim sampela save moa long en, orait go long stua i save salim ol masin bilong Honda.

Sold and Serviced by

Steamships - MACHINERY

Port Moresby 259066 ● Lae 424799 ● Madang 822055 ● Rabaul 921400
and Honda dealers throughout Papua New Guinea

Ansa bilong las wik


PICTURE PUZZLER

1. Namba 2 piksa i bilong B3 eria, namba 3 bilong ES eria na namba 4 i bilong E3 eria.

TWO-MINUTE TEASER

Piksa 4 na 8 tasol i wankain.

SKRUIIM TOK



Lep i go long rait


3. Wanpela bikpela tokples long Morobe.
8. No gat spes moa, pulap tru!
11. Bungim long wanpela hap tasol.
13. Waswan bilong laip na ol samting.
14. Seketeri na mausman bilong bos.
17. Ples na taim bilong ai gris.
18. Rop long nek.
19. Ples ol i holim las "Festival ov Ats".
21. Wanpela provins long Momase.
22. Ain bilong katim bus na gras.
25. Tanim tasol nem "Si".
26. Singsing bilong ol Lumi.
29. Ples bilong ol nes studen long Rabaul.
31. Promis bilong buk "Baibel.
33. Abus bilong wara na Solwara.
34. Wokabaut ariap, tait tru!
35. Aninit long bot.
38. Sispop, na tu nem bilong diwai.
40. Wanpela sios grup long PNG.
41. Wanpela distrik long Madang Provins.
42. "KNOK AUT".
43. Man bilong sindaun stret i gat.....
46. Yes (Tok Motu).
47. Sapos em i no op em
48. Givim biknem o rispek.

Antap i go daun

1. Asples Madang, wanpela lain pipel.
2. Masin bilong karim pipel na kango.
4. Strongpela wara bilong bokis ais.
5. Distrik long Galp Provins.
6. Beten bung wantaim long haus lotu.
7. Marit meri.
9. Pasim maus planti tumas ya!
10. PIK: rausim i tasol.
12. Mi no inap, sampela i kam.
15. Maunten Paia long Wes Nu Briten.
16. Strongpela diwai tru.
20. Rabis wara i kam aut long bodi.
22. Namba namel long 1 na 9.
23. Wara bilong klaut.
24. Wanpela Politikel grup long PNG.
27. Em i no pas em
28. Pikinini man (tok Motu).
30. Putim "E" long tok "Sik"
32. Foren Afeas Minista bilong PNG.
35. Het bilong Plang na Simen haus.
36. No ken lusim, em stap.
37. Yu no win yu
39. Kaikai bilong Daino Sami stret.
40. Narapela nem bilong Defens Fos.
41. "Rest in Peace" Malolo "wantaim" Belisi.
44. Solwara.
45. Tupela leta i stopim yu long go het na mekim samting.

Meri em komplentumas

... na mi les pinis!



DIA LAIPLAIN,

MERI bilong mi i no bilip long mi. Mitupela i stap marit inap 4-pela yia nau na mituepla i gat wanpela pikinini pinis. Tasol meri i save ting mi giaman na haitim tok long em.

Mi bihainim gutpela pasin na tok tru long em. Ol toktok bilong mi save popaia. Em i sutim tok long mi mekim kamap kain kain asua.

Ol dispela toktok bilong meri i no tru. Long wanem mi save pinis wok na stap klostu long em olgeta taim. Tasol em i kirap na mekim kain kain toktok na kros nating long mi. Em yet i save mekim dispela pasin long taim mi pinis wok na kamap long haus long apinun.

Mi les pinis long dispela pasin na mi laik lusim meri tasol mi laikim pikinini bilong mi tru. Plis bai mi stretim dispela hevi olsem wanem?

DIA PREN,

Yu no tok klia gut long stori bilong yu yet wantaim meri tu. Olsem na mipela i no klia trumas long as bilong dispel kros namel long yutupela. Mobeta yu yet i mas askim meri bilong yu long wanem samting em i save belhat long en.

Watpo na meri i no bilip tumas long yu? I gat sampela kain asua i kamap long em o yu pastaim long yutupela i marit o olsem wanem? Em i sutim tok long yu mekim wanem kain kranki pasin? Dring bia tumas?, pilai kas? raun wantaim arapela meri o wanem?

Sapos yu klia gut long dispela samting em i kros long en, yu ken soimaut olsem ol dispela toktok i no tru. Sampela poroman bilong yu o lain wanpinis bilong meri i ken tok klia long em, sapos yu bin stap o raun wantaim ol. Em bai meri i harim toktok bilong ol dispela lain pipel na bilip long stori bilong yu.

Bilong wanem tru na meri i save kirapim tok kros? Em i save mekim dispela pasin pastaim long yupela i marit o bihain tassol long marit bilong yupela? Sapos em i kirapim dispela kain pasin nau tasol, inap yu tingim kain asua i pusim em o nogat?

Ating meri bilong yu i no wok na i les long stap nating long haus na lukautim pikinini, laka? Em bai stap tasol long haus na kisim kain tingting olsem yu save raun wantaim ol arapela olupela gelpren bilong yu. Na dispela samting

bai mekim em i pret long lusim yu.

Yu ting wanem? I gat sampela asua long pasin bilong yu i mekim em i kros o olsem wanem? Ating yu no mekim ol samting em i bin askim yu long en, laka? Yu yet i mas tingting long kain asua yu save mekim na hatim bel bilong meri. Sapos yutupela toktok gut na digimaut ol dispela asua, bai yu senisim pasin.

Yu save raun wantaim meri bilong yu long lukim ol wanpinis bilong yu na lain pipel bilong em o nogat? Yu save kisim em long go lukim muvi piksa, spot pilai na raun nabaut long stua o nogat?

Sampela meri i save kros, sapos man bilong ol i no save helpim ol long lukautim pikinini, wok long haus na raun long baim ol samting. Yu wanpela bilong ol dispela kain man o olsem wanem?

Ol dispela askim bai helpim yu long painimaut asua i stap namel long yu na meri.

Yutupela i mas sindaun bung na toktok long ol dispela samting. Maska long larim dispela asua i kamap yet na rongim marit bilong yupela long bihaintaim.

Long neks wik bai Laipain i raitim kamap sampela as long ol hevi i kamap namel long ol marit pipel. Bai gat tok klia long ol rot bilong stretim hevi tu.

— MI LAIPLAIN

HONDA
planti tumas
PAUA



I GAT KAIN KAIN PAM INAP PULIM WARAI I GO ANTAP INAP 50 MITA

PAM BILONG HONDA — Em gutpela rot bilong pamim wara na i no gat bikpela pe bilong en.

- Strongpela ensin i kirapim pam ● Em i no save bagarap
- Em i wok gut na i no pinisim mani ● I gat ol samting bilong pasim paip gumi long en

Sapos yu laik kisim sampela save moa long en, orait go long stua i save salim ol masin bilong Honda.

Sold and Serviced by

Steamships - MACHINERY

Port Moresby 259066 ● Lae 424799 ● Madang 822055 ● Rabaul 921400 and Honda dealers throughout Papua New Guinea

Mosbi Malangan bai traime Kabiu

BIKPELA sofbal salens bilong A gret man insait long Mosbi long dispela Sande, Novemba 23, bai lukim Malangan i traime bun bilong Kabiu.

Malangan i bin lus tripela taim, dro wanpela taim na win long tupela resis. Ol i sanap namba 5 ples long lata wantaim Mazda Kaps long 5 poin. Tasol lain biknem bata bilong Malangan olsem Pae Mesak, Dorstain Homerang, Phillip Kapelis, John Takapan, Larun Maing, Alois Amon na Donald Chan bai kisim bikpela traime bilong Kabiu nau.

Malangan i gat smatpela pitsa, Felix Misiaring wantaim ex-ragbi pilaia Nobert Bulumari long tim.

BEN WAUNS
i raitim

Kabiu tu i gat sta pitsa John Love wantaim narapela ex-ragbi pilaia, Francis Hennessy long sait bilong ol. Inap bating pawa bilong Malangan i daunim katres pitsing bilong John Love nau o nogat?

Kabiu i top tim long A gret sofbal resis nau na i no inap surik. Sapos Malangan i laik win, ol i mas skelim gut ol katres swing bilong Love. Sapos nogat, em bai Kabiu i mekim Malangan i pundaun kranki.

Dispela pilaia bilong ol bai kamap long 12 klok apinun. Bai gat narapela sofbal pait i kamap pastaim namel long Fuji Bears na

Hino-NGI long 10.30 moningtaim. Na NGI husat i sanap seken-las long poin lata i mas trahat moa long pulim daun Fuji Bears husat i namba tu lida nau.

Long hap pas wan (1.30pm) apinun, bai las tim long A gret lata, Ailan Hawks i salensim Elkom. Pawa bilong Hawks i stap long han bilong David Kaputin na Darius Lagar sapos tupela i no stiaim bating na filding bilong tim. Elkom bai katim lektrik pawa na blakaut long ol.

Biknem sempian, Nissan-Gasel bai bungim Yokomo insait long namba 4 resis long 3 klok apinun. Gasel i laki tru long abrusim

Kabiu long las wik wantaim kain trik bilong bantim bal. Sapos Yokomo i no was gut long dispela kain trik, em bai Gaset i mekim ol i kaikai dasstret.

Dro i makim Braun Igels long salensim Mazda Kaps insait long las A gret resis long hap pas 4 long apinun. Inap Isikel Tovia wantaim pitsa Noah Mararang bilong Igels i stiaim tim na nokimaut Rupen Rattia, Sam Ikiik, Nelson Simba, Stanley Wungia na Kaminie Gigi-ala bilong Mazda o nogat? Em i hat long mekim stretpela bekim. Tasol husat manmeri i laik bet long wina i mas putim mani long Igels. Bikos ol i gat gutpela rekot i winim Mazda.

Las wik:

Gasel holimpasim Kabiu

BIKNEM sofbal king bilong Mosbi, Nisan-Gasel i taitim bun na holimpasim Kabiu 4-3 insait long hatpela A gret sofbal resis bilong Mosbi long las wik Sande, 16 Novemba.

Dispela wan-ran win bilong Gaset i bringim kamap namba wan pundaun bilong strongpela Kabiu tim. Kabiu i bin krungutim Fuji, Mazda Kaps, Hino-NGI na Braun Igels bipo. Sapos Wesley Kuno, Maiiai Doti na Silas Woiwoi i yusim smatpela trik na paulim ol Gaset infilda long namba 6 ining, Kabiu inap dro 4-4 o abrusim Gaset 5-4. Tasol maski, Kuno i bagarapim sans bilong Kabiu.

Gaset i opim skoa long taim ol i bat pastaim long namba wan ining. Olpela kepten, Wesley Peni wantaim Peni Tonga i krungutim hom long taim sotstap, Beno Varagu i hamaim smatpela hit i go long raitfil. Gaset i go pas 2-0.

Kabiu i pilai smat moa na autim Gaset tri-ap, tri-daun long namba tu ining i go inap long namba 5 ining. Gaset i bekim dinau na tambuim Kabiu tu long skolim ran long namba wan na namba tu ining. Tasol slek pilai bilong Gaset long namba tri ining i lukim James Gom bilong Kabiu i givim siksti long seken bes na kirapim das long hom ples. Skoa i sanap 2-1 na bikpela singaut bilong ol sapota i kirap.

Gaset i traime skruim skoa moa yet long namba 4 ining. Tasol no gat. Sempian pitsa bilong Kabiu, John Love na ketsa Craig Russell i bung wantaim Jonathan Moang, James Gom, Francis Hennessy, Maiiai Doti, Max Noah na Gily Ganac long banisim daiman. Ol i pilai smat tru long ketsim bal na swingim i go i kam long katim daun ol rana bilong Gaset.

Dispela banis bilong Kabiu i no inap. Gaset i yusim nupela stail. Ol bata bilong Gaset, Peni Tonga, Beno Varagu, Peter Urari, Chris Willie, Paul Timbe na Akwila Burat i bantim bal na paulim lain infilda bilong Kabiu. Urari, Willie na Burat i wokim sakrifais bant na helpim Tonga wantaim Varagu long krungutim hom. Na Gaset i go pas 4-1 long namba 6 ining.

Ben Wauns i raitim

Lain pilaia na sapota bilong Kabiu i bel kaskas. Jonathan Moang i go swingim bat pastaim. Tasol em aut long fes bes. Francis Hennessy wantaim Craig Russell i hamaim smatpela sef hit na i go pulimapim bes. Wesley Kuno i hamaim narapela sef hit na Hennessy i kam hom. Kabiu i gat 2 ran na Gaset i go pas 4 ran.

Max Noah i mekim wanpela sakrifais hit na lukim Craig Russell i kam hom. Sait bilong Kabiu i kirapim meknais nau. Long wanem skoa i sanap 4-3. Na Kabiu i gat Wesley Kuno long seken bes na Maiiai Doti long fes bes. Orait, las sans i stap long Wesley long kam hom long taim Silas Woiwoi i traime hamaim sef hit.

Gaset i bin autim Max Noah na Maiiai Doti gen. Tu daun pinis. Olgeta pilaia na sapot i putim ai long Wesley Kuno. Tasol em yet i rong tru long trik na traime givim siksti i go long namba tri bes. Tulet. Em i abrusim bes na Gaset i autim em. Sori tumas, sans i popaia.

Long namba 7 ining, Wesley Peni yet i swingim smatpela tribes hit. Bal i sut long graun i go kamap long sentafil. Wesley i givim siksti na raun olgeta bes na i go hetwin na skrapim das long hom plet. Gaset i win pinis. Ampaia na skora i no kaunim dispela las ran bilong Wesley Peni. Bikos taim bilong pilai i pinis na maski...Kabiu i tulet long bekim dinau.

Insait long arapela Mosbi Man A gret sofbal resis long las wik Sande, Braun Igels i kolim lektrik pawa bilong Elkom 2-1, Fuji Bears memeim Yokomo 10-2, Mazda Kaps tekova long Hino-NGI 13-0 na Malangan abrusim Ailan Hawks 9-8. Poin lata bihain long dispela namba 6 raun resis long las wik i lukim Kabiu i sanap 10 poin, Fuji 9, Elkom na Gaset 8, Braun Igels 6, Malagan na Mazda Kaps 5, Yokomo 4, Hino-NGI 3 na Ailan Hawks 2. Na ol i gat tripela wiken resis moa long pinisim namba wan raun kompetisen.

PNGFA skruim kibung go long neks yia

OLGETA olpela memba asosiesen wantaim nupela lain (afiliet) memba bilong Papua Niugini Futbal Asosiesen bai kamap long Anual Jeneral Kibung (AGM) insait long Lae long 10 Januери, neks yia.

I gat tok save i kamap bipo long holim dispela bikpela kibung insait long Mosbi long Sarere, 15 Novemba. Tasol kain kain wok etministresen i tambuim PNGFA long holim dispela bung. Bikpela as bilong skruim de em PNGFA i bisi long stretim anual ripot bilong 1984-85 soka sisen na ripot bilong dispela yia.

Ol deliget bilong wan wan asosiesen i mas kamap long dispela kibung long Lae long 9 klok moning (10 Januери, 1987). Ol hetman bilong Lae Futbal Asosiesen i no makim wanpela ples yet long putim kamap kibung. Tasol ol i tok ol deliget i mas stretim rot bilong ol yet long kamap long dispela kibung.

Ol bikpela het tok (ajenda) bai kamap long dispela kibung em:- 1. Tok klia long deliget i kamap long las kibung (AGM) na dispela AGM long Lae;

2. Tok orait bilong ol het tok i kamap long las kibung;

3. Arapela toktok i sut stret long ol dispela het tok;

4. Ripot bilong 1984-85 sisen;

5. Ripot bilong dispela sisen (1986);

6. Nupela 5-yia Developmen Plen (1987-1991);

7. Fainansal Ripot bilong PNGFA; na

8. Ol arapela bisnis.

Seketeri bilong PNGFA, Andrew Waho i tok wan wan asosiesen i mas baim rot bilong salim deliget bilong ol i go long Lae. Bihain long ol i stretim dispela-wok, ol i mas salim toksave pas i go long PNGFA opis long Mosbi. Na ol i mas salim kopi bilong pas i go long Lae Futbal Asosiesen, C/-Don Sawong, P.O. Box 1636, LAE.

Waho i laikim ol presiden, seketeri na tresera blong wan wan asosiesen i soim pes long dispela kibung. Long wanem bai gat bikpela toktok long stretim soka plen bilong neks yia na 4-pela yia bihain. Na ol asosiesen husat i laik stap insait long wok redi bilong soka resis long bihaintaim i mas kamap.

HONDA

planti tumas

PAUA



JENERETA BILONG HONDA — Sapos yu gat wanpela jenereta bilong Honda yu inap mekim wok long ol samting bilong paua long ples i no gat paua long en. Ol jenereta bilong Honda i save wok gut na i klipela na i no pairap tumas. Kisim wanpela na putim video long ples bilong yu!

- I no hatwok long lukautim
- Em gutpela masin i no gat bikpela pe bilong en
- I no pinisim mani, long wanem i no pulim bikpela bensin
- I gat hap bilong hatim bateri tu

Sapos yu laik kisim sampela save moa long en, orait go long stua i save salim ol masin bilong Honda.

Sold and Serviced by

Steamships - MACHINERY

Port Moresby 259066 ● Lae 424799 ● Madang 822055 ● Rabaul 921400
and Honda dealers throughout Papua New Guinea

**PORT MORESBY MENS
SOFTBALL ASSOCIATION
86-87 SEASON**

**SOFBAL DRO - MEN
WIK 7 — SANDE 23 NOVEMBA, 1986**

DAIMON 1

Taim	Tim	Reperi	Adkol
9.00	D	Fuji vs Esa	Adkol
10.30	A	Fuji vs Hino NGI	S.Paranis
12.00	A	Kabiu vs Malangan	C.Bais
1.30	A	I.Hawks vs Elkom	R.Ratia
3.00	A	Nissan vs Yokomo	L.Paivu
4.30	A	Mazda vs B.Igels	J.Pidik

DAIMON 3

9.00	D	Manalos vs YMCA	Adkol
10.30	B	Mazda vs Malangan	Manalos
12.00	B	Elkom vs Esa	J.Soya
1.30	B	B.Igels vs Nissan	N.Simba
3.00	B	YMCA vs Karanas	I.Tovia
4.30	B	Hino NGI vs Chebu	Chebu

DAIMON 2

9.00	D	Aviat vs ANG	B.Igels
10.30	C	Spia vs Yokomo	Manalos
12.00	C	Hansa Be vs Bomana	Fuji
1.30	C	Aviat vs Kabiu	Mazda
4.30	C	Kerevat vs Adkol	Chebu

DAIMON 4

9.00	D	Karanas vs Chebu	B.Igels
10.30	E	Dela vs Bargam	Manalos
12.00	E	Manalos vs Mazda	Fuji
1.30	E	Saints vs Hino NGI	Mazda
3.00	E	I.Hawks vs NBC	Elkom
4.30	E	Aviat vs University	Chebu

Insurance Bye

Time - Steward - Umpire:

9.00	-	Adkol/B.Igels
10.30	-	Manalos
12.00	-	Fuji
13.30	-	Mazda
15.00	-	Elkom
16.30	-	ESA

**SOFTBALL DRO —
OL MERI**

SARERE — NOVEMBA 22, 1986

WIK 10 — DAIMON 1

Time	Grade	Team	Umpire
10.30	C	Aviat vs ANG	Sunkaro
12.30	A	Gasel 1 vs AEI 1	Malangan
01.30	A	Mazda 1 vs Malangan 1	J.Bampton
3.00	A	Kablu 1 vs Exels 1	Mazda
4.30	A	Sunakro vs Wantok 1	Gasel

Bye — Demons

DAIMON 3

10.30	C	Insurens vs Esa 2	Manalos
12.00	AR	Togelu vs Mazda 2	Insurens
1.30	AR	Insurens vs Manalos	Togelu
3.00	AR	Adkol 1 vs Dodgers	PNGBC
4.30	AR	PNGBC vs Esa 1	Adkol


DAIMON 2

10.30	C	Chebu vs Hansa Be	Wantok
12.00	B	Wantok 2 vs Sunkaro 2	Esa
1.30	B	Gasel 2 vs AEI 2	ANG
3.00	B	Yokomo vs NGI 2	Mediks
4.30	B	Mediks vs Manalos 2	Yokomo

DAIMON 4

10.30	C	Kablu vs Tarangau	Elkom
12.00	D	Elkom vs Adkol 2	Exels
1.30	D	C'ters vs Exels 2	PTC
3.00	D	PTC vs POMHS	C'ters
4.30	D	Lloyds vs Malangan 2	POM

Bye — Jitas



• Dispela poto yu ken lukim wanpela pilaia bilong Wabag Tarangau i pusim Levi bilong Mosbi Tarangau. Tasol, sori tumas nogat man i helpim em na ol i lus long Mosbi. Mosbi i winim ol 18-4.

**Mosbi T'gau em
HENRY MORABANG
i raitim
1986 king**

BIKPELA pait i bin kamap taim Pot Mosbi Tarangau tim 1 i memeim Mt Hagen Tarangau 28-4. Nau Mosbi Tarangau i nupela king bilong Nesenel Tarangau Ragbi Lig. Ol i winim ol Hagen Tarangau long las wik Sande long Mosbi.

Dispela pait i bruk taim referi Wally Ainiui i bin oraitim wanpela gol em prop bilong Mosbi Tarangau, Daroa Ben-Moide i putim.

Prop Daroa i bin yusim kain trik bilong em na kikim bal i go aninit long lek bilong wanpela pilaia bilong Mt Hagen Tarangau. Dispela pilaia i no bin stapim. Daroa i bin ran i go kisim na go putim trai.

Referi Ainui i bin oraitim dispela gol tasol ol pilaia bilong Hagen i tok dispela i no gol.

Dispela pilai namel long tupela tim i strong tru. Ol Hagen i pilai hat bikos ol i laik winim tru dispela Nesenel Ragbi Lig tonamen. Tasol, Pot Mosbi tu i tingting long winim dispela sil.

Ol pilaia bilong Hagen Tarangau i no pilai gut nau taim ol i lukim 5/8 bilong Mosbi Clement Mou i putim tupela trai. Em nau ol i pilai rap.

Dispela tonamen inap long kamap gut stret sapos i no gat pait i kamap namel long dispela lain. Wanpela bikpela asua em ol i mekim em ol i no yusim gut hevi bilong

ol na tu spit bilong ol.

Dispela tupela tim, Hagen Tarangau na Mosbi Tarangau i bin winim olgeta gem bilong tupela. Ol i no lus liklik na tupela i bin pait long grenfainal.

Wanpela gutpela pilai tu i bin kamap long tonamen em stap namel long Kainantu Tarangau na Goroka Tarangau. Dispela pilai i bin kamap long Sarere.


Insait long namba wan hap bilong pilai ol i bin winim Goroka 14-12.

Long namba tu hap Goroka Tarangau i senisim stail bilong ol na ol i mekim save stret long Kainantu 26-14. Ol Kainantu i bin putim wanpela gol tasol long penalti.

**CHOOSE
COUNTRY CHOICE**

... and you get a


**Plump, Tender,
Meaty Chicken
that's FRESH
from Ilimo Farm!**



Choose Country Choice Chicken at your store or supermarket, fresh or frozen, whole birds or chicken pieces.



HONDA
planti tumas
PAUA



**4-STROK
PAUA**

MOTO BILONG HONDA

— bilong kisim yu i go kamap gut na i kam bek gen na yu no tromoi bikpela mani tumas, long wanem:

- Dispela kain moto i no save pulim bikpela bensin
- Displela kain moto i ran isi isi, nogat nois na i gat paua moa yet long kain kain spit

- No ken tanim bensin na wel wantaim
- Moto bilong Honda i save wok gut na i no hatwork long lukautim

Kalap long dingi o kanu i gat moto bilong Honda!

Sapos yu laik kisim sampela save moa long en, brait go long stua i save salim ol masin bilong Honda.

Sold and Serviced by

Steamships - MACHINERY

Port Moresby 259066 • Lae 424799 • Madang 822055 • Rabaul 921400
and Honda dealers throughout Papua New Guinea

"Touch" becomes a religion

by GORDONS YAKMUPHY

GORDONS' Touch Football may not have the biggest crowd supporter in Port Moresby but it surely is becoming a religion for the young in the Gordons area of the city.

Last Sunday as christians make a bee-line for the various church they worship in at Gordons, the 'B' and 'C' grades of the competition kicked off the weekends' games.

It turned out to be more interesting at about 2.00pm when the "A" graders took the field (hard bare earth) beause the crowd grew to some hundred — but also because the games did take a classy turn.

The first match in the 'A' grade division was most interesting as the two last placers fough out to come superior to the other.


Roosters got beaten by Police 17—5 in that match, but the points table reads Sidesena in first place, Sharks second then Bala Raiders, Soroka, Roosters and Police last with 4 points.

Roosters had 6 points on the progressive points ladder of the competition

In the next match, Soroka scrapped home, 4—2 over determined Sharks when young Archie Hubert was wrong footed near the tryline.

Willie Yogomin, A Mai and S Haivai played well for Soroka while Kirini Kave, Hubert and big brother Jack Harry fought for Sharks.

In the other match, Sidesena and Bala Raiders had a very warm affair before Sidesena defeated the raiders.



• These two Roosters team up and follow the flight of the ball, in the match they lost to Police 17-5.

DRAWS FOR WEEKEND 21/11/86

A GRADE

- 1.30pm Police vs Sharks
- 3.00pm S.Sena vs Roosters
- 4.30pm Bala vs Soroka

OTHERS B&C: (in order)

- Bala vs Soroka
- Police vs Sharks
- S.Sena vs Roosters

PROGRESSIVE POINTS LADDER AS OF 16/11/86

- Side Sena — 12pts
- Sharks — 10
- Bala — 8
- Soroka — 8
- Roosters — 6
- Police — 4



• President of the Gordons Touch Football Association, Michael Malabag (with hat) and spectators keeping close watch on the matches.



• Here's another Rooster again searching for a gap in the the Police defence-line. This Rooster is not alone in his attempts, but could not bust their way through.



• Spectators along the touchline eyeing the action from point bank range sees this lone Shark (right with ball) exercising this copy-book side step trick

VANIMO SOFBAL DRO

SOFBAL DRO - MEN
WIK 7 — SANDE 23 NOVEMBA, 1986

DAIMON 1

Taim	Tim	Reperi
1.00	F C/Watcher vs VFP	Ben K.
02.30	F Sandaun vs BismaK	Bluda
4.00	F Works vs C/Youth	P.Jigede

DAIMON 2

1.00	M Vavago vs United	R.Seneve
2.30	M B.Igols vs Sunam	M.Pinia
4.00	F B.Igols vs United	E.Bonny

DAIMON 3

1.00	F Lido vs Sunam	C.K'guano
2.30	F Sandaun vs Vavago	I.lagata
4.00	F Bismak Bye	us

BENSON and HEDGES

Wantok

SPOTIMBAL



NAMBA TU PRAIS

K25

PRAIS MANI



DISPELA RESIS EM I OLSEM:

1. Glasim gut poto na putim dispela mak X we yu ting bal i stap long en. Dispela mak X i mas katim stret namel bilong bal.
2. Yu mas putim wanpela mak tasol.
3. Raitim gut nem na adres bilong yu long spes i stap long fom.
4. Katim stret fom long mak — bihainim rot bilong sisis tasol.
5. Putim hap fom bilong yu insait long envelop na salim i kam long dispela adres:

1. Namba wan stretpela ansa ol jas i pulimaut long dram i wanim K75 NO: 2 — K25
2. Nem bilong ol wina bai kamap long Wantok Niuspepa wan wik bihain long taim resis i pinis.
3. Tok i dai bihain long ol jas i tokaut long wina bilong wan wan resis.
4. Ol jas bai skelim tasol ol ansa i stap long hap fom em yu katim long Wantok Niuspepa. I tambu long salim ol potokopi. Ol jas bai i no inap long skelim ol pas i kamap bihain long taim bilong resis i pinis.
5. I tambu long ol wokman bilong Word Publishing Co Pty Ltd na famili bilong ol i go insait long dispela resis.

SPOT THE BALL NO.2
WANTOK NIUSPEPA
PO BOX 1982 BOROKO

Nem bilong yu:
Adres bilong yu:


WINA bilong
SPOTIM BAL
RESIS NO.1
HENRY WILSON
Sogeri National High School

NO.2 WINA
LINDSAY ARUHA,
P O Box 720,




Ol sponsor bilong dispela pilai em....
BENSON and HEDGES


Laip stori stap insait.




□ Okuk, meri bilong em Karina na ol pikinini i bung wantaim.



□ NAU em i dai pinis, bodi bilong em i go long Des 7 balus long Goroka.



□ PLANTI tausen manmeri nau pikinini bin go long Palamen haus long Waigani, Mosbi long krai long Sir Iambakey.



CO-AIR
YOUR
AIRLINE

**SERVING
MOROBE PROVINCE**
OUT OF LAE — 42 3233
AND WAU — 44 6241

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.